

列

朝

詩

集

列朝詩集

丁集第十

沈經歷鍊 一十二首

李從事奎 七首

十岳山人王寅 一十二首

張布衣名由 八首

鷺池生宋登春 六十八首

玄陽山人王逢年 一十七首

朱秀才陽仲 九首

蔡廣文宗堯 四首

李千戶元昭 七首

張都督可人 五首

程 伯陽 四首

袁卜士景休 一首

顧公子斗英 三首

海樵山人陳鶴 五十

周博士東田 二首

覽江秀才權 二首

破瓢道人吳孺子 四十七首

白雲先生陳昂 六十二首

王秀才伯稠 二十六首

王舉人養端 四首

張指揮元凱 七十一首

張參將如蘭 五首

童書賈琳 三十四首

孫 友麓 三首

唐瞽者汝詢 二首

嵇公子元夫 二首

費公子元祿四首

林孝廉章二十二首

何俠士璧七首

崔秀才子忠二首

林秀才世璧四首

鄭布衣琰一十六首

趙舉人頌四首

郭布衣天中一首

沈經歷錄

鍊字純甫會稽人嘉靖戊戌進士知溧陽在平清豐三縣入爲錦衣衛經歷庚戌歲虜薄城下廷議乞貢事群臣畏嚴氏莫敢發言純甫越階抗論當從趙司業貞吉議拒貢却虜明日上疏請得二萬騎護陵寢通餉道合勤王之旅擊其惰歸俾隻輪不返疏報聞朝廷壯之明年正月抗疏劾相嵩父子請誅之以謝天下杖四十謫田保安州當是時虜數入塞邊臣擁兵坐視揚順督宣大虜大破應州堡寨俟其退割戰士及路人之馘以獻功純甫心傷之賦詩飛書指切其事邊人士好從純甫游爭相與唾罵罵相嵩爲僞人三象林甫槍及嵩耦而射之而純甫在邊日夜從俠少年結死士思用間破虜虜入又散金募土人爲城守順摺拾其狀告變嵩父子捕白蓮妖黨竄純甫名籍中坐以通虜嵩從中其事廖純甫於邊逮其子

襄將殺之而高順相繼取得釋隆慶初復原官贈光祿寺少卿純甫維於
文下筆輒萬言作書過厚吊死戰諸將文及紀事諸詩尤憤懣用壯順既
殺純甫榜示邊塞有蕭沈氏遣文片紙按捕抵罪諸生武崇文斂純甫遺
橐將火之忽中惡仆地恍惚忽見純甫冠緋衣手劍叱之懼而瘞之後門
事自後穴地出之以授其子今所傳鳴劍集兵書亦續諸編也純甫與陳
鳴堃徐文長爲意氣之交故余錄諸人之詩以純甫爲首

得應職方書以詩答之

郎署飛符日題書問謫居自因鄉使到翻覺舊交疎塞月磨沙裏邊風鼓
角餘誰知遷客夢夜夜繞轡頭

寄馮敬叔

同作他鄉客嗟余更帶留關山明月夜邊塞白雲秋漢闕孤臣夢胡笳萬
里愁柔乾河水知是憶并州

送張司功北上

北風吹動寶刀初矧別江城念有餘知己不因長會面論心只欲屢題書
征帆未及春先到鄉夢須教歲併除君若逢人談姓字知余京國舊交疎

贈李將軍

當年海上揚塵日，獨有將軍劔戟馳。刁斗只令諸校集，羽書不使侍臣知。時將落葉供書草，自遣飛花入酒卮。勳業定知長劔在，徒嗟李廣未逢時。

秋懷

風雨搖秋濕不開，紛林殘葉逐人來。寒雲作陣江關暝，粉堞遙傳鼓角哀。直北朱旗真下淚，淮陰水色未登臺。玉堂金闕雙龍管，亂落梅花正舉杯。

秋夜感懷

颯颯西風日夜吹，將軍出塞又空回。不知白骨堆沙峴，猶自紅旂送酒杯。請葛已無籌筆驛，李陵偏築望鄉臺。悲歌莫厭傷心曲，不是忠臣定不哀。

荅陳鳴楚社友

十年赤縣頻爲吏，一疏中朝便落官。勞寄音書知夢在，細籌世路念歸難。馬蹄最識邊沙苦，雁影猶驚塞月寒。詞客幸能憐旅況，玉門應爲賦生還。

送朱子南還

十年辛苦在京華，夢裏何時不見家。一到若耶溪畔月，始知楊柳隔天涯。

寄張有功二首

邊城楊柳路傍垂折取長條欲贈誰不若尚將明鏡去爲曾照我髮如絲
桑乾河曲水潞潞好送征人雙淚還帶葉隨風千里去又愁隔斷萬重山

聞角

誰將清角月中吹格調分明出塞回莫遣胡兒聞此曲翻嫌漢將不窮追

感懷

割生獻馘古來無解道功成萬骨枯白草黃沙風雨夜冤魂多少覓頭顱

海焦山人陳鶴

鳴字鳴楚一字九臯山陰人穎悟絕倫年十餘已知好古置奇快名帖窮
日夜誦覽十七襲其祖軍功官得百戶鬱鬱負奇疾自學醫爲診藥二年
而病愈棄其所授官者山人服神宇奇秀對客論說凌跨恢弘足以滅當
世學士而其所作爲古詩文若騷賦詞曲草書圖畫能盡效諸名家間出
已意工瞻絕倫其所自娛戲礫至莫歛越曲綠章釋梵巫史祝呪擢歌菱
唱伐木輓石筵詞儺逐侏儒伶侶萬舞偶劇投壺博戲酒政鬪籌裨官小
說與一切四方語言樂師矇矓口誦而手奏者一遇典至靡不窮態極調
於是四方之人無不向慕軒蓋造訪臥未起或時就榻見之相與心醉氣

折肉交而去如是者三十年客金陵四載卒于邸舍徐渭文長表其墓以
爲山人氣雄邁跨諸貴游似東方朔才放似劉穆之其爲瓌屑蕤劇忽整
衣幘談理道辨世務又大類曹植見許淳事山人卒于嘉靖壬申又六年
乙丑而文長表其墓蓋文長初謝諸生病易釘耳之歲也

麗人篇

雲爲蟬髮霞爲裳文軒繡戶逞新妝白蓮未作風中色丹桂先移月裏香
洛川立處花橫水楚館歌時聲在梁傷心半倚同心竊留客雙飛並滯鴈
楊柳垂絲空繫念蝶蝶聯群只斷腸欲把芳心託緘素錦書襟淚不成行

桃花美人行

鸞幃鴛閣戀無因珠鏡牙床久自塵相逢柳絮心還亂相見桃花意轉新
聊作逍遙步獨立可憐春春日春花復可憐春心飄蕩詎能前自知顏色
非春色自惜今年異昔年眉凋難學柳步弱不成蓮臂褪珊瑚釧髮謝鳳
凰釧行隨雙蝶偏羞寡坐同孤月却憎圓羞寡憎圓兩意深桃花桃葉一
般新似識花心非妾性不將折取寄離人

相逢行贈孔員外

白馬緝青絲，革鞭控錦羈。蹀躞黃金帽，照耀綠楊枝。來自鄞江道，還過越溪水。相逢碧荷畔，共入花間語。

太倉除夕席上呈友人

頻年愜遠遊，歲晚獨牽愁。以事故鄉淚，偏當今夜流。柔風將報柳，殘燭更明樓。君醉且休別，同予送曉籌。

泊京口望金山寺

南徐一片石，千古柱中流。繞樹開僧舍，緣空結梵樓。蹀躞燈明水，底落月挂潮頭。向晚禪鐘起，風吹到客舟。

夜坐見白髮寄別朱仲開張颺江

坐久北風起，江聲帶遠沙。客愁初到鬢，鄉夢不離家。林靜無殘葉，燈寒有落花。懷君夜難寐，別緒轉如麻。

過唐荆川太史隱居

惟君愛嘉遯，結屋向江村。遠月長隨棹，殘潮自到門。心無時事累，家有古風存。已得川中樂，都忘河上言。

與沈使君風雨泊河橋夜半使君先發余沿路追尋不及賦詩見

懷

相逢碧西路交深難別離市橋同水泊風雨獨何之江黑一帆沒夜寒孤
夢遲仙踪無處覓推枕益淒其

送朱東武北上

落日照湖水殘杯留別離常年分手處寒柳半無枝才老宦方達時清貧
正宜君當謝南畝休與白雲期

送袁節推奏績北上

斜日半帆明西江浪正平風雲雙闕路吳越兩鄉情樹綠沉山影天空落
鹿聲孤舟漁浦夜共語一燈清

題楊法部客閣閣

閣傍江城外窗開雲水間秬因塵境遠自覺主人閒日落見啼鳥月明看
遠山移船候潮至相送野僧還

臧龍淵過山中

關路幾年別秋霜兩鬢多高談卑世態遠涉識風波藝絕惟名在身貧奈
壯何爲君沽斗酒聊復慰蹉跎

送周雨山還金陵

戚戚在歧路，孰歸鄴。郁病多雙鬢，換天遠一身。孤晚飯到吳市，秋吟向野蕪。扁舟今夜月，難遣客愁無。

寄金子坤

思君不可見，漸覺歲年過。世事猶如此，生涯近若何。天長紅樹沒，雨後亂山多。何日金陵道，相携一和歌。

送施虎泉北上

看君上馬負長戈，北去關山路幾何。世變文人輕武甚，時平國士向邊多。西河未可淹吳越，南海終須遣伏波。明主憐才此推轂，莫因霜鬢嘆蹉跎。

金子坤別

驛路孤亭合落暉，綠蕪風暖燕頻飛。城頭潮上酒初歇，江畔月明人獨歸。才滯莫疑天道遠，路貧方覺世情非。淒涼十二年來事，惟有臨歧泪染衣。

曹娥江寄京口諸友人

曹娥江上浪如花，數幅蒲帆過浦斜。烟際亂山明落日，樹中古廟帶殘霞。乾坤故舊勞魂夢，客路星霜換歲華。嗚雁滿天無信息，相思一夜遍天涯。

臥病雙溪山館見月寄張有功

溪邊桑柘映雙流，病裏蕭條賦四愁。
坐雨幾宵方見月，別君一日已成秋。
山深倦鶴猶依樹，風靜飛螢自上樓。
託迹文園須共遣，莫因鄉國嘆羈留。

武林答張文東見過

雨餘落日滿臨安，病况逢君得暫寬。
抱玉已經三獻後，還家又值一春殘。
時違自覺君恩遠，客久方知世路難。
國事于今用長劔，鏡中綠髮未須看。

宿莫水部官署荅蔣南冷張隴江見過

北風吹雪滿征鞍，西度關門歲欲殘。
越國雲山千里夢，官亭花竹幾迴看。
天邇海上明河沒，霜白城頭片月寒。
深夜逢君論世事，酒醺重把劔珠鄒。

古意

千家砧杵亂城頭，新月微明江水流。
林外蛩鳴偏出夜，風前白苧不宜秋。
愁連天淡無鴻雁，夢到關山見戍樓。
芳草不青遊子落，征夫何事好長遊。

吞鼻入蕪城，過真州感賦呈蔣南冷諸公

兩月蕪城醉酒尊，逃炎復入海西村。
去年芳草又重綠，舊日故交無半存。
風甚根添江郭柳，月華還認旅人門。
逢君且誦別來句，時事到今難盡論。

武林送章僉憲之廣西

憲節翩翩向法臺，遐荒萬里瘴烟開。
聖王化久文身盡，輿服人和白雉來。
膏嶺日寒風似雪，荊雨過水如苔。
斷腸極目他鄉外，簪珮何年返上台。

題贈陶氏觀湖村居

橋波修樹玉同清，隔樹虛樓水共成。
桂楫蘭橈穿鏡出，春歌暮管傍花行。
月如彭蠡湖中掛，雲似瀟湘浦上生。
但得長年怡杖屨，那論此地勝蓬瀛。

除夕前一日與駱行簡呂南夫張候中沈純甫蟾山晚宴有作

巖邊樹色隱丹扉，日下仙輿度翠微。
水落盡如雷電過，山迴俱作鳳凰飛。
星臺似結仙人掌，雲路疑通織女機。
幽賞不殊椒酒會，合歡須並月驂歸。

別去

八載遊闕今始歸，形容半是語全非。
萍踪已有妻孥託，旅食猶憐故舊稀。
睡去衣裳孤月滿，醉來圖曲亂雲飛。
與君山閣逃炎熱，臨別還留壁上題。

炎居苦俗因入蕭山養病張子成郊園

炎天病起厭逢迎，借爾深山且避名。
偶對野翁忘出處，暫隨農侶話陰晴。

林猿乞果時穿木海月窺人夜過城賴有流泉能灌圃隔窓時見藥苗生
旅館病起奉寄近山白崖諸公

新橋客舍俯橫塘柳色千門路轉長却病且須辭酒伴習閒還欲借僧房
日高花氣蒸書案風過潮聲到石床巷陌春深芳草綠故人車馬在何方
楊二檀聞人北江二臬副過山中值余他出乃自移二石坐竹下
待之少頃余還鄒草陵亦至遂開樽相話日盡而別

海上初乘李郭舟東來又作北山遊自憐散跡隨雲出却喜閒身爲竹留
日轉菊籬花未吐江寒梧樹葉先流廿年歲月交遊在共對清樽半白頭
隱跡吳市荅謝諸友

往來吳市且藏名乞食空門學野僧曉泛獨先湖口日夜歸長傍酒家燈
時危有夢依山谷身病無書問友朋世路茫茫何處是關河西望涕重增
風雨夢金陵諸舊社

亂離漂泊滯天涯託跡空門不當家病裏音書非故舊夜深風雨夢京華
寒裳覓句行南陌並馬看春過狹斜睡醒蒲團寒漏斷半庭蕉葉雜江沙
吹笛因懷友人

玉笛橫吹入夜分，中天華月度流雲。若川兩岸春風起，飛盡梅花不見君。
池上聽陳老琵琶

夜深池上弄琵琶，萬里銀河月在沙。莫向樽前彈出塞，只今邊將未還家。
送張伯純還關中

憐君獨倬渡黃河，西北山川入壘多。料得到家春未至，馬蹄半在雪中過。
送張舍人還永嘉

幾年相憶在京畿，一遇吳門便拂衣。君似舟前夜潮水，纔臨江口又西歸。
直州訪譚子羽

海上尋君路半迷，画船如入武陵溪。橋迴流出桃花水，應有人家在樹西。
宿沈漂陽沙棠舟中

風迴城闕夜聞笳，水轉南橋萬柳斜。忽見沙棠舟上月，却令遊子怨離家。
送王龍阜諫議北上

東去春潮到驛門，半江風雨近黃昏。白來知己難爲別，不是慇懃戀酒樽。
咏梅

黃沙萬里塞雲閒，臘盡交河戍未還。但見梅花飛著盡，不知羌笛滿關山。

題謝汝湖家美人卷次金太史韻

隔花翻曲月臨牖欲覓知音懶歸妝撥盡相思不成調御漸流水亂入腸

登金山

瓜州霜落雁初飛鐵甕城寒樹漸稀南國興亡在何處金山殘月夜潮歸

春日寄懷吳受齋史元登翼應峯三子

一住長安信漸稀離心付與雁同飛出門愁見垂楊樹長盡新條尚未歸

寄孫石雲

綠樹青霞畫不分水邊苔閣淨迎暉知君正在山中住雨過長生石上雲

郊行漫興

山橋野店酒盈卮拄杖無錢欲典衣日暮楊花太無緒隨風却自渡江飛

雨中寄吳珠川使君

池上花香酒欲醒雨添草色上中庭與君未踏湖西路幾夜春山入夢青

送人還蜀

久遊江國草萋萋萬里家山落日迷幸有歸心似明月今宵先度蜀川西

宿潤州半月再入金陵留別姚麓居道紀

半月清居道士家，碧桃千樹吐春霞。
今朝送別江邊市，馬上停鞭看落花。
遊無相寺

玉輦曾經野寺中，宸書猶在翠華空。
斷碑世遠無人識，落日鸞啼古殿風。
送袁山人還廣陵

月出薄生江，倒流別離無奈。
又逢秋吳江楓葉紅，千樹一夜隨風滿客舟。
飲秋淵隱居夜歸值雪有作

獨行長路儼如僧，水滴蒼牙半是冰。
歸到空園人已盡，雪花穿戶打殘燈。
寄杏臺郎

杏花臺上月華新，見月長思花下人。
今夜真孤花月意，明朝風雨又殘春。
送秦子登入金陵

日暮途君在路岐，短簷臨水立斯須。
休言江上相思否，今夜月明君自知。
題項秀溪半華山房

溪上道人幽思長，堂開東郭引青陽。
日斜開戶看山色，十里泉聲半在床。
題畫

飯牛歸去趁東風，柳色山光綠映紅。
世事興亡在何處，夕陽江畔笛聲中。

題荷寄施虎泉

三秋湖舫話離群，百里還家傍海雲。今日耶溪秋信至，抽殘荷葉未逢君。

花間襟咏

流雲影亂欲疑空，楊柳絲垂不曳風。謝入春林人不見，乳鶯啼出萬花中。

李從事奎

奎字伯文，錢塘人。起家刀筆，繇布政司吏，再考從事，錦衣雅善詩，跌宕自
豪。從齊人鞠榛游，傾動諸公。卿陸太保炳掌錦衣，不敢以從事史遇之。引
爲上客，而錦衣經歷沈鍊文章忠義士也。兩人深相結納，調護一時。諫臣
論劾執政先後下詔獄者，人皆歸功于炳，而不知伯文與鍊陰爲之地也。
鍊具疏將劾相，蒿父子舉酒屬伯文，以後事。伯文口雖不言，已心許之。已
而下獄，蒿父子力購寘之死。伯文傾身庇之，得免。成田塞上世蕃，嗣知之，
欲中以奇禍，乃脫身歸里中。與方太守九叔、沈山人仕結社湖山之閒，年
八十餘卒葬西湖之上。歸安茅坤伐石而表之，曰：詩人李珠山之墓。

遊天竺寺有懷謝康樂

秋光澹崑崙，入谷聞枝鐘。白雲散紫芝，峰朵開芙蓉。林香共白結，夾道羅

長松沙廣草烟海溪深花露濃
桂嶺鸞飛鷲唳潭降游龍開紛
互交語道侶特相從久矣悟空
寂齋心禮金容林廬隱真色蔬
食修珍供還憩崖亭上未懷高人
蹤

西湖舟中

春半出門春可憐黃鸝隔岸啼
春烟墟頭沽酒飲不醉更向西
湖呼酒船葡萄荔枝酒色紅銀
缸金碗須臾空但令一醉臥明
月莫使醒眼看春風鳳凰山頭
春草綠金牛湖上花成簇日落
歌聲水面來西欄咲倚人如玉

古柏行

虞山古柏幾千歲根盤節錯羅
星文靈氣常懸白日雨踈枝亂
洒青天雲霜柯露幹了不識半
是蒼苔半成石石上猶存古鏡
光青萍未拭芙蓉色我來八月
秋氣濃月明滿地蟾虬龍赤脚
大叫不忍去長風吹落虞山鏡
天生異物詎可測呵護常聞鬼
神泣岩壑宰教無此材茂桀然
後知松柏

陽春曲

三月江南春草芳水邊柳絲百
尺長流鶯乍啣千金埤紫燕雙
棲接文杏梁窠家曲裏調鸞詞
處處簫聲引鳳凰鳳凰臺上花
爭發翡翠樓前鳥並翔

別有藍橋通蕙渚更憐斜袂接橫塘
橫塘女兒多艷粧錦瑟瑤琴爲誰張
能歌白雪留人醉不管春陽斷客腸

湖上

錦帳開桃岸蘭橈繫柳津
鳥歌如初酒花笑欲留人
鐘磨千山夕樓臺十里春
回看香霧裊羅綺六橋新

與客游北山偶過普福寺尋葛洪丹井

古寺隨緣到雲霞晚自閒
僧房開竹裏仙路入花間
斜日明秋水薄烟凝
鼻山偶探勾漏跡惆悵欲志還

詠湖上新柳

依依弱柳不勝春
裊裊垂條向水濱
奈可輕盈愁少婦
豈堪攀折贈離人
烟消翡翠眠初起
風折鴉黃舞乍新
猶喜芳心未成絮
肯將眉黛向人嚬

周博士東田

東田松陽人由歲貢生分教江右以討賊功擢南京國子博士

入峽源菴中讀書

擾擾倦行邁復此秋氣闌
寒流深峽路落木曉霜山
乞火隣烟遠讀書孤

嶼間相求有幽鳥飛入短楹間

客夜

棄置仍爲客言歸久未能素枝霜樹月衙夜草蟲燈河漢秋來拆開山夢
到曾明朝對青鏡應見髮絲增

十岳山人王質

字仲房歙縣人父賈淮北生仲房于淮小字淮孺少年恢傑自負具文武才以高才爲諸生祭酒輒棄去不顧北走大梁問詩于李獻吉不遇聞少林僧扁圓習兵杖最精則之少林授其術什得五六歸而盡破其產聲家遠游南歷海隅北走沙漠周游吳楚閩越名山求異人冀得不死之藥然卒無驗而家益貧海上用兵客胡尚書督府募客率諂事督府仲房嶽嶽多所匡正督府不能盡用竟以敗仲房西入歙隣省賊起土人匿不以聞仲房馳告有司屬郡從事縣簿部民兵往戢且近按兵不行仲房入軍中讓曰公等不扼賊于險逗遛里中脫賊踰嶺長驅他日簿責公等其將何辭第勒兵鼓行賊且望風却矣我兵乃乘連嶺賊果引去潮兵追及之藏焉里人語曰生自負知兵字仲房果不愧子房也中年習禪事古峯禪

醉峯曰吾徧游海內五岳者三今將徧歷海外五岳而後出世仲房聞而說之因自號十岳山人

箭月歌

誰剪海犀革一尺如月圓錦繡挂東壁時或生紫烟上面胡奴馳缺騎白草經霜枯滿地貂襖回頭臂兩弓遠望雙飛阜鵬至此物懷當弱冠年高插盧子城東邊射龍周瑜塚頭坐常燒綠酒呼重泉抱書十度金陵走丈夫踏蹤終不偶沒羽徒誇射虎人毛錐負却穿楊手座穿此物敵埃塵感慨從前一槍神道旁短褐成衰醜誰識飛揚跋扈人

關山月

落日收風色邊城望月華年年隨漢將夜夜到胡沙貂帳流光冷龍旂捲影斜此時正愁絕那忍更聞笳

送鄭信之遊大梁

南客辭鄉邑遙隨北雁歸春風寒似臘吹雪濕征衣書劍過淮水關山望宋畿銅駝舊游路花柳正芳菲

燕市酒壚曲

白髮頭多事狂游入上都敢懷執轡者可有賈豈徒何處容頭缺常來獨
倚壚悲歌稀酒伴不是一錢無

宿嘉峯口墩樓

萬里秋風算華夷到此分幾年望紫塞今日宿黃雲片月臨關見孤軍
折戟埋碑事已隨風化不成

高光州方承天童侍御劉秀才邀予泛舟西湖

湖而玻璃生素烟薰人煖日小春天芙蓉將近霜前淡翠館誰添亂棹妍
荒草欲尋蘇小墓斜陽半載米家船傷心時事猶難料且拚新豐買酒錢

春社前三日送兄惟明之淮南

山村賽社濁醪醇分取餘觴勸醉頻弱柳初黃難繫馬橋外新囀似留人
去程姑浦逢寒食到日雷塘屈算春故舊相知如有問長竿今已學垂綸

苔金在衡訊婦

秣陵宮樹葉初飛客路何人爲授衣我亦驚秋同海燕故鄉端在社前歸
舟過陸州謝鄉人余五郎送酒

新醪香艷石榴花贈得雙樽不用賒爲謝客愁消得盡殘年一路醉還家

過休陽訪查八十不遇二首

桃李山城未落花，懷君來訪聽琵琶。定隨年少青錢伴，何處妖姬賣酒家。
年來匹馬走燕雲，聽盡琵琶盡釀君。白髮紫桓須自惜，稀教彈與世人聞。

送李文仲遊燕

君嘗君休戀故鄉，北遊早控紫絲韉。如今燕趙雖非舊，終是英雄結客場。

江秀才璣

璣字廷瑩，歙人。王實曰：廷瑩早歲明經，本爲用世之具，抱病廢業，放情于詩。九邊有論，過羅有書，猶未忘用世之志。若五君詠輯史諧音辭，意暢融，可謂能上窺晉魏矣。

詠史五首 錄二

隴西李都尉，驍勇裨將材。提師浚稽山，一鼓單于摧。步卒五千人，轉戰昏陰囊。道窮矢亦盡，惜哉勇弗裁。捐軀誠獨難，大義豈不乖。得常縱報漢，二心安可懷。迢迢五原關，思婦隔天涯。遂使鐵石心，化爲土與埃。終然沒胡沙，竟爲百世哀。

憂情滑稽雄開闔，能叫嘯一言紹侏儒。金門始待詔，懷肉雖不恭。九重朝

一笑倡優恣詼諧諷死中機要廷議斯董君貸室不得召玩世依朝隱
詞亦微妙高詠衛簡福斯人可同調

張布衣名由

名由初名凡字公路嘉定人通古今學好奇計家在安亭有田數百畝僮
僕數十人一旦盡弃云爲貧人人皆笑之已而徭役繁數里中人之家
或嬰縲絏老死囹圄而公路坐環堵中讀書談道足跡不至縣庭向之笑
者皆嘆慕焉平居好論兵其于古人勝敗之數必求其所以然北歷燕趙
齊魏之郊登眺山川形勢問昔人城郭營陣之處往往悲歌慷慨恨不馳
驅其間萬曆甲辰年七十有九嘔血屬疾以其詩四百餘篇屬同里唐叔
達序之公路同時有張應武茂仁丘集于成皆宿學老儒茂仁好談經濟
以龐德公司馬德操自命而子成精于三禮古今郊廟朝祭之禮指掌畫
圖若能以身出其間皆埽熙甫之門人傳道其流風遺書者也二君詩皆
無傳故附識于此

夏日田家四首

風過林花落雨餘溪水軍飛雲停不忒低回戀幽軒夕陽下平楚遠樹見

漁村奄忽夏已徂憂懷紆且煩四体弗能勤與言媿鹿門吁嗟劉景升車
騎柱山樊

獨酌冷風前遂至于忘已而況人與世枯槐聚玄螿昔夢嬰塵紛宰割也
吾旨金枝綴翠旂魚服交象弭駁馬偏朱蹄綬車齊一軌既覺更何有太
息釋所履直幻定難分色空諒在此四相不能滅卮酒良可喜吾將逃麴
藥衆妄亦云已

蘇食茆茨下鳴雉尚蕭蕭寒衣涉遠道負耒正逍遙種苴不成頃陰暄不
終朝飄忽風雨至婦農趣危橋其雨復其雨苴稀草萋萋叢林戴勝降女
桑多長條

每恨獨不遇一無以自見終身談仁義垂老常貧賤翩翩思吾黨才美何
絢練既蒙國士知鞅掌隔異縣落月在屋梁冥雲緬吳甸慷慨不能忘令
人心目眴乃覺離懷殷反悟遇否美窮廬坐歎息素綵影短弁

秋興

爲漁江上太便與雲水親程空遠迢遞綠波渺無塵絕人間世安知世
間人扣舷馴白鷗收綸採青蘋釣直溪茆晚興鳴瓊杳春扁舟足微暇聊

復有此身

行至徐方行

扁舟遡脩阻行行至徐方岸
身衡山轉城孤背水藏河廣日滔滔誰云一
葦航佛鬱魚龍怒沮洳鹿豕場冷風迢遞宇落日參差橋杏壇既寥寥石
室亦茫茫漢唐事千古雄長料全湯晚輸係燕雲控以帶淮揚險巖惟一
線絡繹周八荒危亭尚崔巍雙鶴無翔翔此意不可得吾詞慨以慷

空堂

秋蟲響空堂織月下幽渚鳥驚風外林花落庭中樹
樹影樓與遠懷城阿隔
秋雨耿耿良不寐脉脉以無語

秋晚

迢迢幽溪上寂寂野人居
冷冷風入樹嘒嘒雞鳴墟
白日三杯酒清秋一
草廬開花階下笑謂我意何如

破瓢道人吳孺子

孺子字少君蘭谿人家故饒貧中歲妻子死盡棄其產購古法書名畫遊
江湖閒僻好山水遇一水一石有奇致坐對累日不肯去性最巧所規制

必精絕搜抉珍怪陵斷谿絕經以必致爲快遊雁蕩絕巖取啖蘆葍四十
 日不返踰天台石梁採萬茂藤屢犯虎豹製爲曲杓可憑而寐以數縷市
 一大瓢摩挲鑪錫暗室發光過荆溪盜發其篋怒而碎之抱而泣者累日
 主元美作破瓢道人歌所至僦居僧寺自炊一銅竈飯不足則哺糜日買
 兩錢菜又異駭業爲羣英語人曰免我低眉向人覺飽逾梁肉耳遊虞山
 善趙汝師孫齊之齊之有違言襖被不別而去終身呼其名而不字也晚
 爲梁谿孫少宰所重遂死其家少君家蘭谿城東有腴田頃許盡易硤瘦
 鑿溝引山泉繞入玉雪厨銅池以此破其家所居焚香掃地名僧韻士樂
 爲談對客去閉門藉虎皮危坐移日人問之曰我柔味好客語言折除對
 俗夫時耳好游不畏寒遇泉水清冷雖盛冬便解衣赴澗樹蘭百本花時
 閉室以護香氣有索看者窗中捉鼻作兒女聲拒之長于鑿古尤識舊圖
 器款識胡孝甫藏唐人畫金滕圖後有李陽冰篆書數百字何長卿不
 能辨少君一見知之遇俗人輒云我不識一字口占詩使人代寫善畫雞
 鷲水鳥芙蓉蘆蘆歲不過一二紙求之輒不可得篋中藏一劍自言得煉
 劍秘法戒人勿令觸近干犯光怪酒半撫鉄如意欲煮碎天下負心人首

或聞人詢詳若爲不聞而去之自言少時多猛氣卒暴相加不勝忍輒以
指錐握中不覺忽然仆地用是二十年抹殺其不平其強力忍詢皆此類
也爲兒時父不用經史課習獨授杜詩一編長好孟襄陽華蘇州讀離騷
老莊爾雅茶經諸書畧涉大旨自言曾得落葉識心酸一語三年不得上
石客奉州東甚行吳嵐知致敗足成之生平所讀遺卷軸甚富獨喜京
口陳從訓僻意少人會好懷多自憐二語以爲真賞其歿也錫山柳彥吉
隨其墓滄紙塵俗余嘗戲論此亦少君好潔少可之報也

范司馬東溟先生憐僕羈孤客旅邀僕觀白鵝陂復飲之以美酒
僕金華賤人也懷恩感恩意報之以詩

天子憐飄泊相邀過草堂尊浮桑落酒鳥出雪衣娘石色寒侵戶苔香細
入床醉來如意舞容得舊疎狂

早春郊外

坐入年華淺行將春色遲柳條辭白雪梅蕊讓青枝沽酒沙村在吟詩竹
杖移交頭無數過何處有新知

貽石公

石公菩薩性憐我在野旅前者衝雨來援止此邊暑只尺佛西隣兩家聞
細語日新枕席清閉門自無恙豈敢稱高臥無才當獨處閒傍夕陰移境
骨臨江渚或就廬山隱
兼爾汝

佛慧寺

亂竹閉僧院長松護法堂坐憐新月上行愛落花香破壁流燈影懸屋挂
夕陽支公閒懶處暫此禪空王

發後作

雨前風更急霧後夕流昏雲擁蒼屋樹花明白水村飢寒誰比數老病我
猶存萬事俱寥落啼來但掩門

雪霏詩呈王使君

憶在廣陵初移船問相識君騎白馬上來手把銅章好顏色東風嫋嫋
吹落花下馬遊子入酒家珊瑚寶玦不常事篋篋錦瑟又琵琶掀髯噴噴
愛我詩三年與我聞中却是時我尚有妻子到家不肯輕別離遂使君心
長荆棘老我至今有所失望君想我如醉人白頭江上入骨貧殘杯冷炙
度朝夕東鄰西舍誰爲親感君常反仄仰天徒歎息君當扣我脛不死是

爲賦

送張丹石遊淮揚

張公別我去去到揚州若見陸無從新詩不用求
僦居秋葉黃莫近城南樓樓高思故鄉終日多離憂
江北苦寒地必須得重裘重裘若不煖請君上酒樓
酒樓東水閣有女似真愁十指玉削成好罽古笈
三三三
起改作張丹丘

訪天聖寺長老

真與天聖寺長老有餘工種藥寒雲外分泉香露中
看心孤月滿照影萬緣空我是陶元亮常來訪遠公

贈關中王解元

山中一相見知汝是秦人愛月鄉心減迷花客路新
雲霄豈盡意詩賦不無神異日還家去長安正早春

江上逢故人

江上高樓花欲然南隣酒伴西隣眠夕陽未下逢君好
還有一百青銅錢

歲算

越客好姪當歲昇草堂習靜自情親閉門覓句留殘臘倚杖看山待早春
鳥雀入林知有我煙霞爲伴若無身何當別去西湖上萬樹梅花刺眼新

郊行贈趙汝師先生

學士行春日陽和處處同鶯啼不嶂外人醉百花中彩服迎官舍丹書出
漢官相如辭賦裏深有太平功

移居一作病起移居王元美小瓶圖

宿愁未許拋衾枕抱病移居江上村忙裏提携知藥餌閒來點檢失梨尊
南簷愛月先安榻北牖嫌風卽閉軒且是主人能好客黃魚白飯早過門

贈僧月庵

孤雲不知處野雪見行踪一飯飽時少隨緣滄海東香牀通水月清磬出
花宮欲結廬山社誰能問遠公

春日大醉再寄孫七政七政每罵我

旬日江村外香醪困死人眼隨他是甚心與我何親罵有官人口開多處
士身交黃鳥亂無賴十分春

將歸溪上留別李將軍兼呈何大史元朗

說說定推何太史相嘲無奈李將軍
桃花細雨且歸去江上吹簫弄彩雲

江上

新月淡烟霏江花冷照衣無人山犬吠
隔竹掩荆扉

玉泓館送沈嘉則歸越得微字

江上背草出與君俱未靖相看遊客疾
明日捲征衣細雨釣舟濕亂山樵路
微異時能裸葬白首定相依
余欲裸葬

飲錢大花樹下

平堤水漫小紅香醉後風來花滿牀
無奈黃鸝仍勸酒數聲飛過竹邊墻

獨坐寄三弟

愁來何所作咄咄但書空梁燕親衰
白林花與暫紅無家不占夢有弟恨
飄蓬寂寞滄江上菲絲細雨中

病起別黃厚父

病起心魂冷行吟古殿驚江湖留客
地歲月見君情厭聽邊鴻度愁看春
草生孤舟今又別何處是歸程

殘燈

欲滅寒猶耿頻挑焰不修祇綠膏已盡使燈亮含羞映雪光逾冷蟲螢影
暫沈片時隨短燼蠹蝕且埋頭

題圖

玉露凌寒萬竊空洞庭秋水醉芙蓉小舟不放尋詩夢撐入村南臥晚風

十二月二十七日作

三日半存何必戀一年去盡不知留春風只在虞山外嫋嫋將來笑白頭

秋雨將至新涼滿戶忽有故園桑梓之念因寄東竺文石禪師

好雨望卽至輕雷遠層城新涼滿庭戶洒然有餘情故園蘭溪上稻稔秋
已成弟姪共我長會能學耦耕如何江海間借此一浮名吾師住東竺早
晚寄鐘聲下堵春草長閉戶秋蠅鳴忻將解後緣遂令薄世營

胡生過上方寺言別

日暮憐君至相看髮欲絲佛燈忻上早僧飯喜過遲同病悲前事連床問
後期可憐霜霰近疲馬向京師

望西山

西山像佛頭又如抹青黛常疑路不通遙遙削天外白鶴飛去杳不雙明

霞潑天紅映江春風幾點桃花雨欲渡前溪點小艖

覽鏡

十載成飄泊三年失所親今朝試覽鏡如見意中人

長春道院後樓

危樓迴木末千里暮雲開細雨長江去斜陽孤鳥來客髮愁中換鄉心病後催一聲何處笛故故向人哀

江上逢王九歸武林

江上逢王九孤舟日已斜紅妝惱春夜白髮醉誰家斷岸深無柳荒村半有花武林山水地歸路勿云賒

少年行

挾彈飛霜醉落花歌兒笑引入倡家歸來萬樹垂楊下一路騎行白鼻馬張長輿刻虞山遊稱命予附後語孫七政前序予遂不敢以詩答

長輿

首在虞山下嘗爲孫楚輕此予當客面羨汝有才名若濕侵衣濕湖波接眼明新詩酬勝地近喜得張平

姚太史自錢塘移天目松一株舟中無事索賦

相公送客過錢塘移得蒼松數尺長枝帶故山寒雨色根分新壤茯苓香
舟中偃蓋幢幃勢眼底凌雲寂寂芳歸去棊書堂上坐種來無處不生涼

晚歸海虞

迎浪捨舟湖水闊入林跨馬棧橋通陰厓剩雪一分白古殿殘陽半壁紅

寄王舜華

去子只高臥世人空自忙讀書一萬卷過目不能忘曲澗浮春水孤村集
粟芳此時猶未起紅日到山房

閒居

積雨暗空林濕雲飛不起日暮鳥鵲喧幽人不得語

晚歸

水國春無際陰霾晚始晴醉邀花共笑歸與月同行啓戶鄰姬問掛舟稚
子迎人家欲燈火猶有隔杯鶯

醉歸

風燈雲拂手自扶飛花如意引歸途暮教水氣醒餘醉寧使兒童厭再沽

別周生

庭柯何事報秋聲，江路迢迢幾日程。我去你留俱寂寞，月明他夜最關情。

荅里中兒

僕本金華人，少小親耒耜。三十始讀書，一命期強仕。編性病疎狂，怪辭來哆侈。一年復一年，世事難料理。垢臭無紋短髮披，兩耳淩落在江湖。飢寒皮肉死，寄謝里中兒。無勞問履歷，閒來澤畔行。顧影還自喜，夜深題題啼。遙拜來相倚，躡電樹雨幢。促我不能止，駕之駮白螭。群從來何愧，下視塵寰中。茫茫若螻蟻。

投項子京

湖上梅花出短牆，一開半落湖水香。春陽溢澗杏花細，桃花李花亦不忙。君家有酒藏牀頭，可憐花月未肯游。願君醉我若亦醉，花前慎勿嗔莫愁。房櫳窈窕嬌欲留，懊恨歸來織月流。不知此景誰能酬，空將好句爲君投。

秦州詩

小時不識數兩手，道十五醉來學騎馬。墮馬亦不苦，日暮狂歌草澤中。月出東墻那怕虎，一年兩年復兩年。短髮蕭蕭鬢可數，千里飢寒傍秦州。日

出日沒坐一樓風簾不動杏花雨冒雨衝花問客舟泊平沙天喜晴誰
家樓上踏歌聲探囊沽酒不盡醉醉死溪山鬼亦清

獨立

獨立沙邊路因傷旅客單巖風知絮敗落葉誠心酸肝膽猶年少頭顱莫
歲殘東家有寶劍欲奪醉中看

曉發

巖城角初斷稍稍曉鴉啼風急偏催馬天寒不應雞隨山欲渡海失路却
尋溪鄉國遙千里三年平柄西

寄王元美

日暮歸鴉遍鄉心可奈何病隨新月長愁比落花多細雨乳堦草微風起
夕波西隣有嚴武不必淚懸河

宿學公房

僧坐閉秋草無事應朝眠改座番逢客收書誤觸絃情高雲上鳥心定夜
初禪不盡江花意還將處處船

倚杖

貧病吾將老江湖度歲華艱難惟有淚飄泊更無家倚杖慚歸鳥臨池惜落花秋風何太早瑟瑟向蒹葭

鵝池生宋登春

嘉定徐學謨鵝池生傳曰登春字應元趙郡新河人壯歲髮白自號海翁晚居江陸天鵝池更號鵝池生家累高貲少失父母以無營省家益貧性嗜酒慕俠能挽強馳騎時發憤讀古人書爲小詩画師吳偉皆不肯竟學里中呼爲狂生年三十一歲聞妻子女五人皆死遂奔家室囊書遠遊留博陵故人所二年去之京師布衣謝榛詩籍甚公卿聞生得而唾之曰此以聲律備巧者也何詩之爲去游齊魯還居吳白山廢寺出所携漢魏及三唐詩問闕揣摩三作而大就又去而浮淮渡江涉吳會已復走徐青出居蘇州太行而西窮關陝澤潞諸邊塞敝衣直履瓶無儲粟所至逆旅人賦賤之間爲小詩長句傾動市賈賈人以脫粟鮮衣爲贈輒推以予逆旅人大笑而去已由棧道入西川游峨眉迴坐巴下荆鄂迂雲夢而北走大梁鈞州党中丞見所題酒肆詩留之數月復自宛涉襄過京山所躋躓于唐氏之淖唐氏見

王曝囊中書異之留之卒歲爲刻其詩傳荆郢間生數

年前嘗至江陵故遼王奇其詩召謁便殿一夕遁去至是復來感昔賢流
寓之跡買田鵝池家焉歲穫菽十斛雜米而炊晝夜哦詩不絕口吳人
徐學謨爲荊州守自往物色之至再始見明日戴紫華冠衣皂繒衫報謁
踞上坐隸人皆竊罵之守爲授空城中約移居日往訪屬有參謁日肝往
生鍵扉臥不內守守令人穴垣入生方科跣席一茶僧臥壁下守強起之
索酒盡歡而罷守稚景藩之難赴逮江夏生送至岳陽而返後數年守坐
廢家居生爲道士裝持一鉢聚散衲行乞三千里訪守海上居三月別歸
後二年遼王廢爲庶人生久在庶人所絕不與用事者比庶人每召遊別
宮聲妓滿前端坐竟日夜卽大醉目不流睨以故庶人客無一脫者獨不
及生自庶人廢生悒悒不樂去江陵浪遊七澤間石首豪張氏浮慕生與
結詩社生面毀其詩張氏伺生醉伏奴狙擊之賄縣令械而出諸境他少
年憐生者破其械而佚之乃自童髮爲頭陀徒跣乞食守起家巡襄上武
當遇之三天門與一月糧別去不知其所之濮陽李先芳清平閣唱和序
引曰歲癸酉鵝池山人至自荊州能詩面性嗜酒作狂貴之族非造門
不見嘗著僧帽噉犬肉讀楞伽經今隱嶧山間寄山中之作臨邑那侗吊

宋叟詩序曰叟自江陵歸時時從僕上李少卿游後二十年徐公以大宗伯致政叟從新河過余舉杯慷慨言將訪徐公吳中尋錢塘弄江濤觀江干乘潮解去子愿君視宋登春豈杉柏四周中人余時被酒笑罵啖老虜燕趙士自昔死魚腸龍雀不聞死潮時甲申寒食日也居數年新安余生從江南來道叟請徐公公禮敬有加時時風主人家僮慢我主人榜家僮謝過叟危謂杖從青衣上拂奈何惜一便了不以謝王子淵乎一旦懊惱辭去徐公爲買艇子庀酒脯饌別城外叟強一舉白趣呼榜人勿悞我潮道掉頭別去亂流抵海口四十餘里不知昏曉徑跳白波逝矣余爲詩吊之復叙次其事徐宗伯歸有園集云唐叔達自白下傳邢子愿吊來山人詩叙山人死甚怪云得之新安余生往歲余生嘗至吾家問山人踪跡故子愿得聞報奴幾行事頗實至謂去吾家四十里跳白波而逝此中何無一人言之也是時山人病脾劇泄穢狼籍蒼頭俱走避獨壽奴與同寢處咎罵撞擊幾無停晷風主人鞭之而不見血則又自裸而鞭之時時情然大叫主人殺我何不置一舟送我東海上令我速死主人方憂不知所出會其甥趙懌自新河來因以山人託懌俾還新河飲之酒而津遣之贈之

詩曰蹈海難成魚仲連西歸仍是再生天山人覽詩搔首曰不好不好遂
不左右顧去而登舟計今已三年無音菘山人死生未可知也卽死決
不在吾家四十里內如其果然其中必有所恨則吾負山人多矣當覓往
時舟子訪得其真以報子愿姑識其梗槩如此嘉定縣流寓志云徐學謨
再起爲宗伯登春來京師勸以早退且曰公第歸吾終就公蹈東海死學
謨旣謝事登春果來居二年呼舟欲踐前約學謨與其子弟固挽之終不
聽乃爲詩送之春徑去躍入錢塘以死子愿記山人之死以爲死于吳
松而宗伯力辨其不然嘉定志出唐叔達之手叔達於宗伯爲親串其言
足徵則謂山人死錢塘者信也宗伯記事在萬曆己丑六月而志作于庚
子又十二年豈宗伯所謂覓往時舟子訪得其真者已信而有徵而叔達
據實書之乎山人死事流聞互異余故詳列之山人詩名錫池集文集名燕
石集宗伯嘗刻之郢中齊州盧世淮德水過信都訪遺稿于旅人家始盡
傳于世德水曰海翁傲睨一世每慨今人熟詩有難之者謂翁但工五言
寂寥短章如才力易訕何翁曰吾幸以才力訕故得以沈思苦吟審于性
情之正以求歸于溫厚和平彼才力橫駕揮霍莽兀者方傷于所恃能無

窮大而失其居乎善詩禪瑣碎一卷其言曰文中字謂北山黃公善醫先
寢膳而後鍼藥汾陰侯生善節先人事而後封說余未善詩先性情而後
文辭寢膳人事性情也鍼藥卦說文辭也丙戌歲余寓杜亭決句與德水
談詩甚快德水曰公之論詩謂當解駁形相披露性情何其言之似海翁
也屬并著之于此

秋夜鵝池侍宴應教

車馬荒村夜流螢水面多野雲停几席江月引笙歌樽湛淮南酒池添道
士鵝白頭慙受簡休問賦如何

薊門

秦拓兵殘後人家夕照中天秋沙雁減月冷戍樓空選將燕山北榆胡瘴
海東城南餘戰地燐火夜深紅

荊州雜詩

問藥過城府兒童晚未回雲深宋玉宅雪暗楚王宮花發春猶淺樓高賦
轉哀家家湘酒綠誰爲一尊開

送句吳豪士重遊大梁三首

魏王臺上草紛紛，落日中原低莽雲。匹馬浪遊孤劍在，酬恩誰說信陵君。
汴水東流接大河，曾經帝里問銅駝。春風三月旗亭酒，落日夾門一放歌。
沙塵風起晝冥冥，二月黃河尚帶冰。桑柘夕陽村店路，同誰走馬吊韓陵。

秋日上黨衙中懷故鄉知舊

白髮生青鏡，黃花吐素秋。家書無雁足，客路一羊裘。海鷺辭鄉社，山猿傍
酒樓。誰堪回首處，千里暮雲稠。

再示餘

客夢苦難成，鳴雞又及晨。燕鴻驚歲晚，越鳥對愁新。九月催寒葉，孤棹伴
旅人。相看正牢落，非爾復誰親。

越溪女

越溪素足女，婉笑青眉揚。泛水采芙蓉，歸來衣更香。

山樓秋夜有所懷

旅宿蒸開鼻，天寒霜葉稀。涼風生夜榻，客淚下秋衣。路遠鄉雲斷，山深
草肥堪棲珠樹鶴，何日故林飛。

晉陽山中元日

野老憐時序，盞漿慰客情。春盤那女送，曉樹曉禽鳴。寒埽驚花色，病邊聽
角聲。他鄉逢一咲，更得旅魂驚。

春日遊太原黃岩寺

拂衣坐盤石，度水聽疎鐘。古殿依崑碧，山花拂砌紅。晴峰輝旭日，春燕浴
餘風。欲共巢松客，安視老化工。

擬宮中行樂詞四首

小紅亭子白闌干，入道官娥玉作冠。袖出青梅彈鵝鴨，銀瓶滿注蔗漿寒。
碧殿春深瑤草肥，美人對月舞羅衣。夜來不作青鸞夢，化作彩雲何處飛。
五葦春遊夜未央，燕衣侍史謾焚香。黃金鎖合鸞鸞殿，無限春風到海棠。
琉璃硯水黃金瓶，十梳鸞鏡寫道經。太乙紫壇朝帝罷，珠簾殿彩花窗。

老僧

手中燃着白菩提，拄杖過頭眉下垂。石上晒經茶未熟，花間童子進雙梨。

春郊卽事

春風嫋嫋夕陽西，芳草萋萋楊柳堤。行盡溪山有那屋，青林深處一鳩啼。

宮詞

自從十五畫雙眉記得新裁白苧詞袖裏青梅大如豆石榴枝上打黃鸝
聞京東有警

算雨催秋館長風冷菊枝坐中蛩聲空燈下美絲絲四悔尋丈日百年爲
客時燕山新戰後鄉信到應遲

荊州公餽酒二首

菱葉青青水荇齊
蓮籬黃蝶菜苗肥
夕陽誰送山人醉
坐看兒童逐犢歸
秋風嫋嫋熟黃梁
池上鵝肥酒更香
醉裏不妨學楚語
竹枝歌好和漁郎

雨中烹雞有作

避地豈真隱謀生未有方
晨烟熟雞黍墟里澆柴菜
雨過豆花赤風高柿
葉黃鄰家不相識何處覓登廊

十五夜郡坐小集

校書罷芸閣移尊赴晚衙
舞筵宜小簾蛾燭隱輕紗
稚子能翻觴翻指啄
落花微風坐醒酒明月共分瓜

宿郡

燭盡燈紅影詩成掉白頭
吳歌小榻夜楚雨虛堂
秋殘夢醒餘濕輕寒仗

敵裘鮒魚甘澗轍吾亦咲莊周

江閣晚望呈荊州公

幾處蒹葭連岸白
數村烟火隔江明
無家自合依劉表
有賦誰能薦長卿
巫峽去帆江樹隱
衡陽歸雁暮雲平
黃金已盡還爲客
湘漢長歌萬古情

郡東隱居

畫刻分香短風簾簇影移天
清聞墮羽院靜見遊絲
往事聞堪憶長貧老
不疑黃金未可就
瀛海竟難期

洞庭送徐荊州投劾東歸

秋來爲客易沾巾
又向瀟湘送逐臣
煙草斷雲橫楚塞
夕陽落雁度江津
天涯白髮無知己
湖上青山有故人
回首吳關空悵望
何年滄海共垂綸

自沙津江行舟次岳陽送徐荊州

漠漠晴沙江水流
寒衣同上木蘭舟
白蘋風起洞庭暮
碧樹雲橫楚塞秋
羈客懷鄉何限泪
孤臣去國不堪愁
夕陽帆影臨空盡
誰念天涯獨倚樓

石首阻風寄懷徐荊州

別後相思夢屢真
秋來誰寄短書頻
孤舟風雨偷愁客
萬里江湖對逐臣

莊鳥苦吟終適越仲宣欲賦未歸秦十年零落黃金盡一夜長歌獨愴神
新春堂成寄懷所知

老去還杯酒春來自草堂揮金曾有志煮石竟無方岸木浮鷗灘林花宿
麝香故人江漢少念子意何長

自公安縣夜歸鵝池庄風雨驟至有作

僕雁迷寒渚昏鴉集驛亭故人江上別風雨返柴荆楚些秋能賦巴歛夜
懶聽蓬窗小兒女相待一燈青

九月三日方別駕携酒般見過因懷徐荊州

客淚秋能下人情老自知塞寒鴻雁早江暖鞠華遲對酒憐吳語聞歌憶
楚辭明年誰更健重把紫莖枝

江村寒食

白鳥忘機久青山吾道存興來從杖屨老去愛雞豚楊柳橋邊市樓寺江
上村童兒沽酒至風雨閉柴門

寒食西郊望八嶺山作

寒食孤村外春山遠寺鐘登臨風候異祭掃歲時同芳樹諸王墓浮雲舊

楚宮天涯對衰對寂寞意無窮

秋日登陞覽樓

遠客不宜秋况登江上樓心隨胡雁滅身為楚雲留漢廣鮑衣米湘清聚
白鷗寒砧何處發落日動鄉愁

雨中呈三郎

黃金臺下見君顏今日蕭條入楚關一顧那知添白髮十年何事老青山
鄉愁多在煙雲外客思偏生風雨間我已無家問消息聞畦種藥不須還

俠客

賭柳賽劉琨家奴過孟賁千金不肯顧一劍為酬恩趙瑟停風柱燕姬促
象尊平生款段馬羞入孟嘗門

秋日待家書不至感賦此詩

澤國寒風木葉稀悲詞昨夜賦無衣自添白髮年華異用盡黃金生事微
易水似憐湘月遠燕鴻還共楚雲飛魚書錦字無消息秋草開門又夕暉
春日寓徐公西園

笋出過關見桃香度水聞僧深連海色洞午散江雲石上拋書卷花間數

鷓鴣春愁如碧草隨處亂紛紛

海上寒食

風雨臨寒食偏驚流浪情梅花鄉信遠芳草客愁生青服故人少白頭世事輕還餘一尊酒東海吊田橫

雪後

石徑留冰雪松門鎖薜蘿地幽身自得機息鳥常過芳草春愁少梅花客醉多竹枝辭更好還愛楚人謠

賞雪侍燕應教

狐白暖蒙茸宮詞集上公春藏金屋裏僊隱王孫中送酒青樓妓焚香白玉童錦屏寒不入只許隔簾櫳

春辭二首

南浦誰家薦綠蘋堊堂又發楚山春滿城芳草烟和雨江燕飛來似識人廣陌青樓楊柳新鶯花時節可憐人至今漢上多遊女笑折疎麻贈所親

踏青楊林洲

驂騑蹀躞上芳洲楊柳青青楚水流日暮東風搖百草不知何處是昭丘

飲酒

城上秋風動薜蘿十年江客意如何酒腸方大黃金盡世事幾知白髮多
月冷却憐孤鶴怨天寒誰聽餽牛詩平生還愛於陵子用拙爲園老一簑

秋興

江上形容老山中群鳥秋鳴竹影靜紅顏其門幽夢樹收黃葉生
白頭室無萊子婦誰共臥雲丘

楚童

京山唐氏贈二童子呼爲赤砂白石

白晝楚童清雙鬟挈酒瓶灌花枝汲井學字夜囊螢竹院晴時埽柴門客
去扁弱軀偏惜汝飢渴屢剪經

遼府草亭贈朱孔昭

平原門下侶君稀猶著前春舊布衣況我不如君敢倍食魚何敢望輕肥
連日風雨驟生薄寒分甘哺孫賦詩自娛園蔬時醖亦足養老

江城風雨夕茅屋短長唼歷歷秋花發脩脩落葉深老憑孫賤眼客用酒
寬心欲買羅含宅曾無作賦金

雨後移竹

童僕飢時爛家貧願一金
暄寒惟短褐風雨屢長陰
江閣秋生岳城高霧
隱深從來愛幽意移竹間花林

抱孫乞食市中

何室炊紅粟誰家具絲葛頻遊雙屨
弊生計一瓢存任爾呼牛馬隨予愛
犬豚絕交書未上爲客老荆門

秋日莖莖是年戊辰大水

聽鳥中林性看雲故國心地早湘漢
闊天遠洞庭深老馬空知道窮後豈
擇林十年書劍客寂寞到如今

飲酒三首

福端吾不爲盛名豈敢居列子老鄭
園何其凡民愚六用俱可廢一真良
自如百年此形容泡影現斯須有生
胡不樂安有再來驅兵踏竹林中酌
酒焚枯魚

嗟常在目前如何目不見死常隨我
身如何我不思好高窮遠深至近反
忽慢誰知衽席間而乃卽天溲萬古
亦非遙一息長無義老彭與馮子存
天相等看靜觀蜉蝣羽可同白石爛

怒別乖天和喜亦傷大雅喜怒同使臣胸臆若傳舍來去本無端不乘車
與馬一氣自起滅萬形非真假十年會此理欲辯言愈寡中心久藏之當
告知音者

襄陽懷古

襄陽白面兒
賞唱詞疑歌漢水東流去
英誰可奈何

春寒睡起口號

白髮白於絲
春眠起較遲
卽看芳草變
又過杏花時
短褐寒先覺
長吟趣自知
誰云魯酒薄
猶免越人思

久雨小晴卽事

海色常含雨
山雲薄帶寒
曦微占真鵲
芳意結春蘭
對酒看長翹
低頭試小冠
孟嘗空好士
白髮老馮驩

同襄陽阮舉人遊楚山田家遇雨

携酒依場圃
班荆共老農
樓臺一木外
風雨萬山中
田葉浮逾綠
溪花濕更紅
百年耕鑿計
吾媿鹿門公

酒上贈呂俠士

南遊不得意來問魯朱家生
澀青樓妓凋零白鼻駟防胡
過雁寒較微度
龍沙刺有綬纓帶時時拂劍花

九日夜集李北山園亭賞菊觀妓

白酒映尊空黃華夜露濃
微歌來衛女扶醉有巴童
香霧沉蘭圃晴烟駐
桂叢海風吹月上移席小闌東

會臺觀賽

竊業古臺荒天寒野日黃
雞豚秋社酒籬落木雲鄉
對舞肯谿女齊歌白石郎
家家扶醉去海月照枯桑

和贈李少卿

桂樹冬榮覆院幽
護寒鸚鵡傍青油
小姬對月偷教舞
少婦鳴箏不下樓

集外詩二首

自題画老子圖

函谷關西幾度遊
至今紫氣未全收
青牛老子頭如雪
莫怪山人浪白頭

清明

寒食東風草色新
紫雲高塚臥麒麟
可憐泉下千年骨
曾作提壺拜婦人

江盈科曰海翁方面大耳身長七尺鬚眉皓然寓桃源半巖居恒無眷眷
伯糧蓋則值紙繪古人圖像易米為炊餽遺一金以上皆不受二詩皆寓
姚自題其兩者也

白雲先生陳昂

昂字雲仲自號白雲先生竟陵鍾惺傳曰白雲先生則昂者福建莆田黃
石街人也所居所至人皆不知何許人自隱於詩性命以之獨與馬公子
用昭華先生詩所謂自天亡我友者卽其人也莆田中倭城破領妻子奔
深章縉草履爲日不給繼之以下沈彭蠡憩匡廬山已入楚由江陵入蜀
附僧舟備糈以往至亦輒備於僧遂徧歷三峽劔門之勝登峨眉焉所備
僧輒死反自蜀寓江陵松滋公安巴陵諸處至金陵姚太守稍客之給居
食久之姚太守亦死無所依賣卜秦淮或自勝片紙於扉爲人備作詩文
巷中人有小小慶吊持百錢斗米與之隨所求以應無則又賣卜或糶以
織履而林古度與其兄懋者閩人寓居金陵一日過其門見所勝片紙於
扉突入其室問知爲莆田人頗述其平生一扉之內席牀缶甕敗紙楮筆
鋪處其中檢其詩誦之是時古度雖年少頗曉其大意稱之每稱其一詩

輒反面向壁流涕嗚咽至於失聲其後每過門輒袖餅餌食之輒喜復出
其詩泣如前居數年竟窮以死其子倉皇出覓棺衣昇之中野古度兄弟
急走索其集無所得手書五言今體一帙其自序畧云昂壯夫時尤嗜
五言第家貧無多古書得王右丞即誦讀右丞得杜工部即誦讀工部開
取其所中規中矩者時或一周旋之又時或一折旋之舍筆磨毫研精殫
思今觀其五言律七百首則先生所學所得盡此數言矣其云末一卷爲
排律亦不存謝兆申云有集十六卷在江浦族人家論曰近有徐泗朱登
春皆以窮而顯晦於詩然未有如昂之窮者也予嘗默思公穢履下儲
糞儲蓄時胸中皆作何想其跡世人紛紛藉藉過乎其前者眼中皆以爲
何物求其意象所在而不得吾友張慎言曰自今入市門見賣菜傭皆宜
物色之恐有如白雲先生其人者甚矣有激乎其言之也

宿江邊閣

暝色江邊閣行吟易斷魂風前兩岸葉月下一聲猿夜哭誰家婦寒號何
處村洞庭春水動催艇去荆門

城破領老妻逃入仙遊胡嶺二首

喪亂餘生在，飢寒何所投。盡迷聞鬼哭，夜竄望仙遊。有徑風先慘，無山鳥肯留。老妻向天問，盜賊幾時休。

觸目驚猶故，蓬茅伏自遮。扶行衣盡刺，衰削面如瓜。橋斷深宜厲，途昏助恐差。斜風飄細雨，啼殺未棲鴉。

閩賊將軍將至，循老妻從嵩山中往潭州賦二首

未必妖星墜，應憐瘴嶺迷。支撐舞鳥道，曲折步漁溪。時事多無據，音書少。有題十年群盜劇，竄伏淚長啼。

元帥問將至，七閩復後秋。欲回上帝怒，先復匹夫誓。獻賊鯨波上，招魂劍水丘。殘生留眼看，平復舊神州。

江滢

江滢風難靜，關頭鼠尚迷。天河明一雁，鼓角亂群雞。飛將今安在，妖星久未低。偷生垂老日，身世寄塗泥。

閩南登樓

切莫憑樓望，令人更慘淒。戰場多鬼哭，息壤絕烏啼。黃霧埋城郭，寒風死鼓聲。深林巢燕子，來往亦銜泥。

移居巴陵

此卽巴丘成相傳魯肅城古今餘往事兵火剩殘生楚水爲漁便相涓賴
舌耕地靈如獲託亦足寄遐情

進雲安

漸失烏蠻瘴新逢白帝寒霜催沙磧奮風弄葉聲乾峰渺孤烟直江空落
日圓布帆報無恙今夜進雲安

泊雲安

短褐絲絲斷爲冬不亦難蘆花裝被暖掘葉受霜乾溪日思終厚山風勢
未寒此間多美酒生計卜雲安

沙市

此鄉如地肺一望渺無山春在樓臺裡江浮花鳥間荆州不願議王粲未
能還漁釣堪糊口柴扉荳亦關

秋上白帝城登白帝樓

石壁將天壓山樓反不奇英雄雲散後烟靄日斜時碧澗秋光老青林
夢宜樽前多感慨衰柳已先知

風色

風色一以變林光反不禁黃姑依淡月白帝動清神萬里無家客孤燈獨
坐心予行滯且滯舟楫豈難尋

暮春題灤西新賃草堂

峽口聯江口山鄉亦水鄉春來容膝屋雲倚及肩墻旅食亦求靜偷生且
善藏灤西居頗適好賦反騷章

日暮遣悶

欲盡西傾日全低東去天雪峯沉萬籟鹽井淡孤烟故國兵戈後他鄉凍
餒年寥寥今夜客道自洞庭邊

貴志

野橋亦淺促朝徙水雲鄉浦近尋魚腹山佳問麝香仗適行度口養鶴畏
分糧莫把愁腸結衰年在貴志

過涪州

寥落一涪州驚心幾度遊屢更新地主不改舊沙鷗片月穿仙嶺微雲止
戍樓山山寒氣甚夜半擁重裘

還家晚坐

鼓厭長爲客還家秋雨中飢容歎妻子敗葉理梧桐俗覺今時換人憐前
輩空青青一雙眼落日送冥鴻

湖面

湖面初秋色清如鏡神清潮來飛白鷺烟至織黃鸝虹學美人出風爲少
女行此間塵不到身世兩忘情

一路

一路頗幽閒行行又幾灣微茫聽竹籟次第較花顏林徑丁層瀑石堂四
面山下居如得此日日閉柴關

吳中春暮寄友

芳矣條風力吹成萬綠稠楊花街小燕行帶曳輕鷗別後多鄉夢貧深悲
旅愁東吳三月路破碎黑貂裘

有令賦殘荷遂口占

萬木方零落荷先棄自傷既圓應有破久翠漸多黃益或隨波蕩也猶惹
露香蔕收無賴日惱殺雨鴛鴦

白帝城月下在路

馬體汗如雨余應有苦辛獨支天外路易困斗南人
乳虎遊斜日蒼猿聒
算春那期故國月白帝照懸湯

雨後天晴放舟下峽

雨後虹方挂晴來霧始收風光明翠岫江色淡新秋
返照薰殘濕寒潮踏
急流放舟下三峽定醉仲宣樓

初歸躍馬澗招長干忠公

萬事不如意方知無事閒傍墻分煖日移榻就春山
黃鳥飛初下清泉汲
正還題書寄開士帶月扣柴關

行至楊子縣寄茅山道士

我行楊子縣此路有誰同堤上時時雨帆邊颯颯風
金從結客盡詩爲落
花窮句曲雲何白看雲悵望空

鏡中

鏡中雙鬢雪相見更相憐偃蹇居牛後敲推敢馬前
一家寒露葉萬事尊
秋蟾開口不曾笑人間八九年

白雲巖馳歸道中

一得高僧論歸途落日中
鳩筇迎霽月漁笛喚涼風
是象漸欲暝有生能不空
迷心如可悟身世付秋蓬

夏日東林寺

欲尋神通殿一徑薔薇苔
鐘響日先落溪荒月少來
大都身後事難免劫餘灰
千載相逢晚白蓮不再開

暑夜與葛九惟善步信州浮橋

與子立河麋于時暑漸歇
一鳴峰杪鐘遂見沙頭月
村火射偏紅螢燈飛欲沒
安得緒風涼風吹濯髮

冬日雙林寺時于家于豫章

可見無人境門前與世分
鐘聲停半艇水面湛無雲
宿火灰中陷隣春雨外
勤豫章二百里消息不相聞

坐法藥寺樓

樓居固所好安可對斜陽
天外連芳草雲邊望
沙鄉雙星分四野一雁應初霜
滿目蘋風起扁舟意敢忘

宿雙溪鋪

不有雙溪宿能知孤客情山川沉月色天地變秋聲華髮明殘燭疎星帶
五更出門純鳥道肯信馬蹄輕

過陳州宿小菴

一雨荒精舍孤吟見早霜禽寒移密樹螢濕定疎篁入洛空携賦過陳易
絕根不眠數更點二十五聲長

坐久

一生既錯料萬事遂孤零妻子動相謫詩書竟不靈哀哀何處雁脉脉隔
溪螢坐久西風急寒天尚未青

羈旅無聊自嘲

世態久方見人生已浪過長鳴學蜀帝善淚像湘娥雨掩春山重江埋宿
霧多紫貂裘蔽盡季子不歸何

涿州道中

清晨迷野渡春水正落然淮泗如浮地荆塗欲攬天風花林外舞客夢馬
頭圓匹鳥能高舉雲端故不旋

閒居春間二首

庶爲滄海客安有野鷗嗔開戶來新月留花蒼莽春青山歌送鳥白眼醉
看人此外生涯事君其問水濱
春水倚天長春雲入徑香梨花銜燕子荇帶戲鴛鴦白苧朝初試清言世
易忘冠纓如可濯一笑過滄浪

郊原

郊原方落日千里轉玲瓏小阜浮波上遙天覆鏡中葑田齊晚稻雙社下
新鴻誰染淮南景秋汀蓼葦紅

客中春暮

不見春和候關門尖翠微鶯聲悲凍在花氣怨春稀地遠誰修禊山深未
試衣故園憐久別合眼卽能歸

初冬夢燕子磯

雷來風遂慘西谷凍殘暉漢水魚將聚洞庭柑漸肥他鄉愁易結寒夜夢
先歸稍待江平穩舟尋燕子磯

挂帆

挂帆兩鬢後風亦息顛狂去鳥衝烟白掃雲壓日黃闌憑懸楚暈柁轉失
潯陽九派涓涓急朝宗意頗長

二十七日立秋夜作

是夜秋相見律歸夷則中草心蒙白露衣領受京風舞覺蜻蜒爽聲添蟋
蟀工吾其先散髮作賦答天公

少山

少出無乃癖因之不覺非紛華歸世界天地散春暉飛翠膠爲坐遊絲繫
燕埽楊朱岐路際南北易沾衣

黃山早行

客心懸遠路四鼓出重關古剎神燈入虛巖鬼火閑有烟迷白屋將雨失
青山不覺涼飈起飛聲漸漸還

歸舟月下寄友

萬里南歸客風前五兩鳴菰苳浦秋水霜信急前程流落恰子帆葉仗
友生還遙天上月此夕最關情

遊山喘途口占

山固飛黃葉回途秋洒然禽聲留落日驢背穩衰年寒瀑纓林谷晴溪鏡
水天何人吹鐵笛隨我過前川

贈葉秀才

壯老貧猶故斯愁不易捐賣文聊且且僦屋且年年酒負今生債詩留異
代緣夜長如不曉切莫愁蒼天

不離西閣

雨餘無一事雖午戶猶開低幹僉多睡歿書蠹不閒推窓又見日散髮且
看山閣外談生許應須老友還

夕陽道上

宇宙一搔首秋殘未暇論天涯款段馬雨後夕陽村葉抱初霜病鴉招半
菽魂渡頭燈火起此際賴飽嚼

野望

信步失幽徑疑眸起苦吟天孤邀曠野林密引淪陰病葉因風落空山欲
雨沉昏鴉何作怪勉強噪寒林

行歌偶成

岸漲潮初起，帆開風正勻。偷生今老耄，避地久吳秦。留眼看明世，行歌泥
逸民。遠師陶靖節，漉酒用烏巾。

天問

春光從到後，物物露春情。雨養枯泉活，烟鑿病草生。梁間添乳燕，柳外囀
新鶯。一飽料人問，何時願可成。

關吾道

物物關吾道，予情卽若情。泥銜飛燕去，花抱仰蜂行。浪染秋沙白，雲粧晚
嶽明。衰年賴釀黍，方法似生成。

愁坐

兀坐愁何事，方方八節灘。孤村浮水上，一雁叫江干。誰挂仰天瓦，空拔下
坂丸。隣家來冀北，翹首問長安。

入清流山宿雲菴訪忠公

雖愧許玄度，遠尋支道林。溪光圍淨室，山色證禪心。落日飛黃葉，寒風定
遠禽。對床兩知己，十載悵分襟。

江南旅情

日落青溪楓潮平白鷺洲林深常似雨江靜易生秋涼月來天外明河俯
渡頭飛飛鴻雁影不見尺書留

殘秋落日

敗葉如和約時時競遠飛露濃秋欲去寒急市先稀天變揚滄海山昏失
翠微鳴鴉千百點爲我送將歸

早發

亦知柱席便遂聽棹歌行病葉星前色新蟬露裡聲稍分山影出遙見海
潮明舟子呼同侶潮頭漸漸生

小至

天涯除客子何者却飄蓬病待微陽起詩憐小至窮峰陰分鬼火溪北斷
漁筒悶坐梅花下吹來懷雪風

歲暮書所見

老蒼到此際無意作冬天山東顏先活冰懸腹不墜雪飛勾細雨春近逼
殘年若與梅花隔斯愁未坦然

玄陽山人王逢年

逢年字舜華初名治字明佐崑山人故司業同祖之子也少爲諸生試經義多入古文奇字爲有司所黜往謁袁文榮公於政府文榮以故人子厚遇之曰天子方修祠祀新禮樂生幸從我遊事筆札承明著作之庭可揆武也文榮令草應制文字有所更竄退而上書閣下以時文取材以青詞拜相惡知天下有古文哉不辭而去文榮遺騎追之不得及渡淮川于旅人淮陰人魯道者少從李空同學詩徒步追舜華於逆旅資之以歸韓其詩曰海岱集王元美爲序盛相推挹舜華顧時時拊膺王李詩噴爲俗調元美怒而排之舜華益自負作五敵詩謂慢世敵稽康綴文敵馬遷賦詩敵阮籍述騷敵屈宋書法敵二王著書一編曰天祥閣外史妄男子輯東漢文誤入之益自喜以爲當吾世得追配古人也蓋斥其田廔市古器物得古琴曰焦尾謂真蔡中郎故物也晚年持過王敬美曰老病無聊願以此竈城南數頃爲棺槨計敬美唯唯受之數日出謂曰焦尾琴神物也昨宵颯清月白焚香撫操二玄鶴從空下飛鳴盤舞挾之而上也遂不知所之矣其可奈何舜華頓首曰固宜有是所知甚之曰焦尾無恙乎曰去矣年八十無疾端居欠伸取所書金剛經捧持而逝儵然若坐脫者舜華與

先帝保善余兒時猶及見之先宮保言其生平如是舜華詩集甚富余從其家鈔得之亂後失去今從先宮保遺篋中搜得若干首

送盛仲交還秣陵

盛生東出關白下桃花滿相逢南陽田目寄孤雲遠君歸江國正鳴鳩草綠空磯燕子愁與爾期登雨花閣六朝何處楚江流

金陵咏懷

奕奕鍾山紫氣開壯遊彈鋏鳳皇臺上林曙色迎黃鳥古殿晴陰鎖綠苔馳道久虛清蹕度近臣猶似早朝回當年定鼎尊臨日玉帛曾聞萬國來

夏日草堂漫興

湖庭碧梧澄素陰南山結廬幽意深將浣未浣溪畔女欲鳴不鳴枝上禽臨籬坐嘯還咄咄岸情遠望何森森黃雲澹蕩落日真一派菱歌烟水潯

秋曉聞鴻

斗轉砧稀秋夜闌朔雲遙度雁聲寒夢回旅館燈初落書寄衡陽葉正殘隱隱斷行迷極浦蒼蒼斜月帶長安湘南塞北關情遠人倚青樓幾處看

情詩

美人臨高樓青蛾盼來久何許繫相思一帶橫塘柳
橫塘柳初齊梁燕築巢栖雙飛不去莫蹴柳花迷
柳花拂羅袖脉脉銷魂盡離恨幾回腸獨
援琵琶奏瑤琴奏還歇燕掠樓中月似夢昭陽宮
心將露苦結

夜行郎二首擬古

寄所思

長宵相思明月樓夜行郎在海西頭月光若共郎
行遠那得常思照妾愁昔看明月不如郎同照
夢在伴曉妝別後郎情寧似月理階隨影度孤房

築楚門枝巢隱居

卜築楚門下一巢聊自棲夜同蟬沐露春與燕
分泥秦苑樓臺沒吳宮日月低浮生已殘夢
何事落磻溪

海上歲朝

海國春初轉還開臘社筵世情回舊曆衰病入
新年往事雞聲盡閒愁柳色偏從茲復朝暮蘇
晉浪逃禪

漢宮篇

雲蟠象魏接長楊日擁龍顏坐未央吾道欲與
周禮樂聖朝空老漢文章九重推轂邊人淚雜
珮分花葦路香誰薦子虛金馬外汾陰春雨夜
蒼蒼

薊門城樓玩月

黃塵向晚薊門深白石行歌無好音萬里登樓今夜月三秋落木半河砧
山空羸女吹簫疾天遠梁鴻去國心世路不如依漂母且投書劍釣淮陰

梅花落

朔風淒淒洩水陰羗聲半咽清夜沉征人隴頭寄春心月寒落蕊關山深
少婦相思攪離色夢驚雞塞秦雲白

折楊柳

邊樓夜笛吹霜月玉門楊柳邊人折長條短條繫相思故園東風罵柳枝
鷺鷥機上腸應斷綠滿天涯人未歸

虎山橋問渡入五湖

野水平蕪霸蹟消蒼茫萬頃出飛濤參差三弄醉遠客七十二峰迎畫橈
細雨鳴玄墓樹夕陽僧過虛山橋武陵源口秦人路莫向浮雲問市朝

南徐募泊登江上樓

烟波如眺武昌樓宿鷺遊疑臨颶洲把酒江山遺事在側身天地此生浮
中流落照金陵繞斷壘空城掛楚秋亦是湘南哀郢客兵戈垂老未歸舟

登瓜州河樓留別

楓樹清霜戀客盃，日高京口曙烟開。
帆飛細逐通州下，江影青浮北固來。
擊揖關心鴻不到，登樓何事羽頻哀。
秋風黃葉平原里，此去還應首重回。

海上歲朝作

落魄平生誤計然，春歸無恙杜蘿邊。
梅花雪塢留殘臘，澤國砧聲帶舊年。
滄海魚麗空戰艦，烏衣燕子過烽烟。
五陵冠珮追趨日，野老如持漢節偏。

王秀才伯凋

伯凋字世周，其先常熟人，移家崑山。父冕，字元肅，多長者之。交王雅宜、白雀帖，所謂元肅參軍有精慮，在虞山下去白雀不遠者也。世周少謝博士弟子，肆力於歐詩，閉門擁被，悉取晉唐以下諸家吟咀諷詠，稍聞則輒止。花宮蘭若，或留連狹斜，旬月不知所之。對客不問姓字，無寒暄語，遇酒氣放箸大嚼，啖吻間時作噉噉聲，竟坐或不交一言。晚年嘗過余，投所著樂府古詩一帙，蠅頭細字，塗乙刪改，旁行側出，如蛛絲蚊翼，非定睛諦視不能詳也。其苦心於斯道如此。王舜華爲中表兄弟，其依隱傲世畧相似焉。

子夜四時歌

月寒蟋蟀鳴獨向空庭步金井雙梧桐花上有清露
北風昨夜來大雪忽三尺不愁送儂寒但愁斷歡跡

西烏夜飛

何處驚棲鳥撲運忽飛去儂家樹自好鳥那不肯住

長干曲

月出江頭白鷺飛江花采罷濕羅衣儂家住在長千里自唱蓮歌伴月歸

長安道

白日照馳道高天雙闕開黃金丞相閣清吹五侯臺馬蹴香塵起花藏翠
憶來新豐白首客彈鋏夜歌哀

大堤曲

清江出明月月白江花寒微風吹儂歌懊惱愁殺歡

莫愁樂

春風吹石城日日喚花開可憐花上月不喚莫愁來

蘭若卽事

興來時野眺小立倚柴扉一雨清波動雙林片月歸山廬藏竹語水鳥出

花飛不覺空烟算，濛濛翠濕衣。

和韻

春風千里憶佳期，鏡裡空憐玉樹姿。
驚夢暗憎鸚鵡喚，避人偷倚伯勞詞。
月窺翠幌愁相語，花入珠簾恨自知。
爭信文園憔悴客，漸寬腰帶髮如絲。

清明日風雨過士慈堂中小飲得花字

清明蕭瑟送春華，短屐欣過仲蔚家。
小語輕寒來燕子，半含微雨出桃花。
蝶飛幻夢何須較，蟻盡深杯可再除。
澆却北邙墳草濕，白楊愁鬼哭烟沙。

秋日過子問郊居二首

葉翅百轉入幽溪，灌木蒼藤夾岸迷。
一縷炊烟小犬吠，柴門忽出竹叢西。
映竹緣溪三兩家，陰陰樹影日將斜。
翩翩黃蝶穿疎藜，唧唧秋蟲語豆花。

聽沈二彈北曲

燕歌撩亂夜絃鳴，訴盡青樓恨別情。
四十年前明月夜，夢迴曾聽斷腸聲。

薄葍步溪上見茆舍前桃花盛開

嬌靨枝枝破淡紅，葍寒無語向春風。
誰來花底多情立，白髮如絲一病翁。

訪周子居幽居不遇

寂寂柴門深自關，幽禽相喚語青山。
嶺頭含雨桃花色，半出青蔥春樹間。

贈歌者

盡說青樓碧玉家，舞風歌月闌鉛華。
自從誤識櫻桃後，懶看關門路畔花。

青樓曲

日長深院石榴開，懶闌紅妝傍鏡臺。
偏愛雙飛雙燕語，自開珠箔放啼來。

涼生豆花

豆花初放晚涼侵，碧葉陰中絡緯啼。
貪與鄰翁棚底話，不知新月照清溪。

追昔感事八首

出世周手葉集本不載

秋風九塞靜狼烟，鐵騎千營夜醉眠。
大奏鈞天酬上帝，君王法駕在祈年。

西內詞臣和栢梁，夫書飛動賞輝光。
誰憐一鉢新豐邸，強盡秋風自髮長。

紛紛遊客似雕翻，一技俱能獵異恩。
牛飲總污丞相席，沐猴爭戲五侯門。

欲醉胡姬耐笑看，耽酥千盞不辭乾。
忽雷抱向青樓月，撥出涼州夜雪寒。

燕山自古接胡沙，大有胡風入漢家。
小婦拍鞍能走馬，兒童捧葉學吹笳。

玉輦金鞍跨夕陽，風清海子碧波長。
荷花千頃無人採，落盡仙姬鏡裡妝。

射虎穿籠意氣豪，縱橫年少見吾曹。
老來夢斷長安事，落日撈蝦傍小舫。

高枕青山計未貧。空林幽鳥伴吟身。誰能更抱齊門瑟。老覺長安解聽人。

朱秀才陽仲

陽仲以字行。失其名。遂寧人。七歲能屬文。刻意騷雅。嘉靖甲午。以武解。死。武林之逆旅。其友侍御黃中輯其遺集。

楊花篇

江南二三月。楊花競芳華。寂寞長條攀。折盡綠絲飛來。千片花。千片飛。飛西復東。白雪晴雲晝。溟濛風吹滿。空翳白日散。入千家。池館中。池館樓臺。媚春羞珠箔。重重散。花柳白玉筵中。拂西衣。琉璃杯裡。沽春酒。落日千家。春酒闌。飛花拂拂玉闌干。高處餘風常不定。低邊口氣轉。猶寒秦女樓中。妝鏡寂。王孫道上。相思憶。詎將春色報深閨。還惹遊絲度南陌。南陌深閨。兩地情。惜此飄揚花。性輕焉。知落地爲香土。更憐入水作浮萍。香土浮萍。那堪數。虛令春色年年度。今年已見柳花殘。明年復見楊花吐。愁殺龍沙。千萬山。春來春去損朱顏。祗被楊花惱妾睡。不教清夢到燕關。

寒食行

誰家墓頭作寒食。野棠離離間古柏。香鼓鞦韆拜掃歸。日暮風吹紙錢白。

紙錢不到青泉路，歲化爲墳上土。人生苦樂百年中，笑殺荒山石羊虎。
西家女兒果未休，城東又作踏青遊。清地花枝開芳草，蝶嫌落日催啼早。
待得明年寒食時，又來挂紙一沾衣。

雙溪曲

脉脉溪路遙，汎汎落花嬌。人心不如水，相隨下河橋。

西湖採蓮曲二首

五月芙蓉浦，花開脈若耶。若將湖作鏡，應照妾如花。
玉腕搖輕楫，紅蓮暗綠波。花深欲無路，棹轉忽聞歌。

楊柳枝辭

廣陵楊花辭，故枝各自空。條雨後垂，羌笛不知春。自去分明一曲月，月中吹

山塞曲

雪盡冰河月滿營，胡兒羌笛奏邊聲。春風不到單于塞，何事梅花夜夜生。

長門怨

春盡長門鳳笙稀，宮闈百轉繞綺微。落花千片如紅雪，飛入昭陽作燕泥。

長干曲

美人家住漢水濱夫婿從軍久向秦江口寄書無復使客中多是洛陽人

王舉人養端

養端字茂成遂昌人八歲能詩賦嘉靖乙卯舉于北闈游燕中與一時名士稱詩李伯承皇甫子循皆亟稱之同里何鏗曰括之詩人自劉文成後有青田陳太鶴各夫刻意派奇遂昌朱青城馮仲專工風調後出其陳未抗行者茂成也茂成有遂昌三賦賦家稱之

都臺紀事四首

九五黃宮八百姬臣工拜舞賀昌期春回靈囿時頒曆香藹瑤壇夜受釐
河渭吐吞秦日月岱華掃蕩漢旌旗清平樂事何由識柳暗花明出鎖遲
三月皇州春事稀玉堤瑤樹蕊芳菲農官夜候菴穰降苑監朝供首藉肥
寶蓋拂雲雙鳳集袞衣浮日六龍飛山人無路將片曝擬傍台階頌紫微
彩霧氤氳覆禁城西山旭日始分明大官入捧絲綸旨女史來收館閣評
白鳳青霞開寶字金盤玉碗散朱樓南郊昨介清和節徧賜蓮花報化生
此詩誤傳爲李尚書默作

翰墨初呈金馬門群賢此日荷宸恩綉封紫蠟傳仙仗高蓋紅雲儼帝垣

麟閣曉浮花氣噴虎幃春動日華眩
官忽奏文昌見天子親臨策士軒

蔡廣文宗堯

宗堯字

臨海人

自號東郭子嘉靖丁酉舉于鄉
謁廷司教松溪松溪

諸生刻其文曰過陵集多識古文奇字
詰曲取裁殆亦圭峰之流亞出於
嘉靖中年故知其蔑視李王矣老死
青瑣世不復知其氏名可感也集凡
二十卷詩止樂府一卷

麗情曲

蘭房過雨蕙徑空綠
語語裏春風欹枕牙床
睡初醒臍脂汗濕羅衣紅
爲鴛牽綉絲未歇
軟瘦香肌倦如雪
玉麟墮地渾不知
流蘇夜暖斜明月
珠簾半捲春日高
海棠飛起雙蝴蝶

河套

以下皆集外詩

胡虜昔何在
遙聞將士訛
何曾親言前
建欲奪蓬婆
浪穢輕澗濱
成功幸
石磨未知廊廟計
終始果如何

秋思二首

長莎肥馬映征軒
飛騎追頭入報墮
祇見烟塵從遠磧
不知胡虜獵平原

殘兵破鼓傷遼水絕塞悲茄泣楚嶽最是書生猶將畧屬鏢馬後竟誰言
斷雲殘柳接狼烟極日氛埃自黯紫塞蒼茫能立幟黃河容易可投鞭
須知據險人持戟莫使衝風馬避羝勝算終推高閣聲遊藩荒破犬羊天

感詠

海國涼生吹雨花西門十里仰天涯山銜落日孤雲細林梢疎影翠簷斜
湖海壯心驚白首廟堂清議屬烏紗洛陽年少空前席賓客想王憶漢家

張指揮元凱

元凱字左虞吳縣人以世弁筦蘇州衛事再督漕北上有功不得叙白兔
蹄左虞少受毛氏詩折節讀書改而從戎非其志也既膺世爵屬繫鞬挽
強躍馬顧盼自喜冀馳騁功名之會以洗統緘之辱而卒不得一當督漕
之役出徐淮達燕冀縱觀古英雄戰爭都會之地而迎後却貨酒高歌入
長安覽觀官闕苑囿親見府官謀壇之盛作西苑詩竊比諷諫之義端而
悒悒不得志游於酒人以自放酒間談說天下事慷慨風發意有所不可
使酒罵坐坐客皆亡去意自如也善王長公兄弟皆其甥曹子念每過弁
山園鯨吸牛飲推爲酒人長公叙其詩以沈始興曹竟陵爲比左虞

冥然不屑也左虞沒長公伏日服書得其行卷歎其知之未盡爲詩一章
屬其子孟孺酌而焚之殯官有伐檀詩集十二卷孟孺亦能詩

雜擬詩二首

少小結游俠長大慕豪英六郡已脫籍三輔乃有聲藏活以百數脫死常
獨行風沙撲馬首關月候雞鳴將軍言郭解公子拜侯嬴彼非有一命權
可當專城所以奇節士慷慨說指生大笑東家兒殺人隱姓名
有客住吳國贈我以莫邪提携未出匣隨手生霜花或恐是神物吞吐虹
光斜不惜黃金裝橫在白鼻駒邊昨夜至飛符度流沙秋月照長城胡
騎紛如麻按劍左右矚目已無淮邪丈夫爲天下安能復顧家

漁父

溪橋轉山徑湖水碧於苔漁舟柳陰下舉網得四腮樵薪猶未至新醅業
已開團圓坐妻孥不替亦不懶欲要采菱人西風吹船回款款蘆葉響月
上潮正來波濤非云陰夢寐良不乖向逢楚大夫言言傷我懷

樵父

偃樹春不起繁條秋彌散長鏡入空谷歷歷樵枯蓬形骸肖山鬼趨健輕

但公女熊夕相避猛虎晝不逢
幸脫無咎險阻窮能通有時不歸來高
臥山之東積薪擬待價沽酒明月中
桂楫軒冕者終焉媿此翁

閨詞四首

搗衣聲不亂搗衣情自深秋風一夕起
閨中同此音妾搗君不聞天涯自
有砧也應如妾心妾搗君心

憶昔初嫁君明珠

綠雲今日

君離別飛蓬亂不結忘我久食貧游趙復

游秦秦人未逐客安能返鄉國

夫婿乍封侯尚爾玉關游欲繡一端錦寄耀千
曉駝行塞池上柳夫渠摘

纖手顏色比不差銜在天吳口

琴瑟昔在御莫不靜而好自若久別離芳櫳生
青草彈琴無知音調瑟多

苦心絃繁曲亦亂月落花陰陰

邊詞五首

結束良家子翩翩居帳下從軍不數年節鉞安
可假耻隨五校後單騎走
朔野龍劍躍且鳴奪得胡名馬

匈奴約和親邊烽書不度士卒漸忘戰軍中
罷趨距繁躡弄胡兒拍手學

巖語草間騎羔羊引弓射鳥鼠

秋風試鳴鏑忽見孤飛雁一矢鍛其羽遙隨前山澗衆南來鳥足有帛

書箱策馬往視之野火新燒校

九月未授衣十月邊霜凜士卒夜苦寒衝抱雕戈寢欲訴霍嫫媼無奈生

貴甚穿域正踴鞠陽春生獸錦

久隸行伍間前在偏裨下寒霜生鐵衣秋風勁弓弛執鞭乃吾分瘡痍何

須訝衛青亦人奴敢違舜答罵

采菱詞

菱角何纖纖菱葉何田田鴛鴦與鸚鵡對對浮清川采菱白晷即蕩漿後

復前偶逢西家姝隔浦來采蓮嬌容入花亂素腕隨荷牽要住語綢繆風

動裙帶偏采采忘采角但采葉在船贈我雙蓮子庶幾不空還

圖山朱都尉過訪留宿草堂中夜不寐情見乎詞

有客江上來柳下住雙鬢身白儼如瓠巨口仍廣頰相見懶長揖落颯高

陽鶯呼兒且沽酒把臂坐草莽十年交自傾片言心覺爽明霞四散飛長

庚獨先朗蝙蝠撲檐間翅翅行草上涼風西南來刺刺枝頭響下榻不能

窳空庭共頽仰慷慨醉中言何時起李廣

志別

祖道一尊酒涼風江上生楓林一葉丹秋動千山聲星離越溪水雨散吳
王城我昔遊燕趙居人送我行今我亦送客酒盡淚欲傾乃知送我者掩
袂多至情

汶上阻雪

我行阻徐方日久望吳國積雪覆京原千里同一色門前偃榭橫屋際孤
煙直黃河水正堅芒碭雲來黑狡兔潛以伏飢鷹竟何食客子櫻枯蓬主
人春殘稷何日見朝陽蕭彼南歸翼

匣劍行

生長夫差國家住專諸里鍛鍊昆吾成一匣明秋水秋水冷冷聲透扉
淒淒中夜蛟龍歸空廬獨抱明月臥高天塢動霜華飛提携神物無人覺何
來白虹常在握鋒芒衛霍耀天山精靈荊彗傾河嶽結客紛紛向五陵呼
盧博采且浮沉寧輸百萬留三尺懸在腰間酬寸心鸞鶴新淬光如雪照
見人間不平事玉玦金銀日日閒匣中一物明珠淚巖城吹角秋夜清風

夢月蕭降雞鳴墜衣起舞欲拔劍無乃歲久青首生莫牙空老無人齒世
人共寶鉛刀耳幕南塞北行路難酬恩報怨竟誰是淪落沉埋一刪紙耻
將強鉄動諸侯豐城不掩干霄氣越石何嗟

東覽篇

出門鮮徒侶看山過東越身披荷芰衣來渡琅玕筏會稽之郡藏雲中海
嶽靈區第幾峯千巖萬壑望不盡一一秀出青芙蓉溪流漱石噴晴嵐山
水清音相映發林間吹落蘭亭風松下飛來鏡湖月石暗花迷失去津禽
魚鳥獸能相親淨泓蕭瑟不可測此中疑有箕山人蒼髮爲棟雲爲幕萬
穴幽竒可棲託絕壁噴噴嘯夜猿逍遙夢見騎黃鶴清晷髮髮高臺風
吹飛花去復來旭日如珠走滄海赤霞爲駕驅天台方丈蓬萊今可至居
然便有凌雲思金官銀闕何必求一丘一壑隨吾志君不見東山高臥支
許從極屨玄書若可終又不見芳辰稜稜臨清池茂林脩竹堪忘飢謝公
勉爲蒼生出十年閒却登山屐右軍自失王藍田歸來誓慕意惘然二賢
信是人中龍霖雨當時仰望同考槃一室已千載至今林下生清風偶然
得失未忘念令人却羨雙冥鴻

寒食限韻作

閨閫恩土不禁火綠水城邊碧油舸屢逢疏踏花茵時見楸韃亂雲飛
金道點點步底生鶯鶯彩彩纏頭驪越女曾爲吳館姓周郎只合留江左
前溪桃樹隔垂楊翠髮紅妝隱青瑣

楓橋與送考別

楓橋秋水綠無涯楓葉滿樹紅於花萬里之行纔十里閨闈城頭尚堪指
遊子暮前淚濕衣離心已逐片帆飛酒酣不識身爲客意欲元同送者歸

揚州春眺卽事

紫萸行邊楊子灘黃公墟頭使者開舟楫遠通淮北水樓臺近見江南山
高岡百尺臨官渡浮煙不盡斜陽暮前朝楊柳幾株存寒鴉飛盡蕪城路

客堂秋夕

高梧百尺入雲涼清水一池生月光秋夜初長客不寐坐聽砧聲思故鄉
明河展轉天欲曙寒蟬唧唧猶自語挈衣起寫故鄉書明日關河雁南去

新豐主人

新豐主人邯鄲婦依然賣酒三河口芬芳芍藥氣如蘭嫩澁葡萄綠於柳

東風日日飛輕塵遊子年年只問津遲迴立馬門前客曾是壚頭醉臥人

春日游西苑

宣室臨西苑靈臺對籍田宮營迷綠雨廐馬飲清川柳引金堤直松含玉殿間先皇受釐處寂寞鎖春煙

大明門春望

太和盈宇宙燁燁徧光華美飛都人綺芳菲繁道沙紫駟銜禁草黃鳥臥宮花一望千重殿常生五色霞

子夜

花柳發韶年妝成子夜妍弄簫成豔曲調琴豈哀絃翡翠巢金埒鴛鴦撲錦纏不將銀燭滅看取玉人憐

湖上婦

野寺垂楊外湖陂亂葦間翠舍千樹雨青露一痕山果熟喧童口桑柘碎女鬟漁舟小如葉載我洞庭還

潞河中秋初度

壬申

桂影青天滿桑乾白水斜公車不待詔客含祗思家報主雌雄劍謀生子

母爪去年今夜酒吳市聽琵琶

長安春望

芝房桂殿暮氣氤霄漢啼來鷓鴣群月出脩眉懸碧樹露華高掌拂朱雲
宮鶯入柳飛難見廐馬迷花嘶不聞盡說宸遊多廢藻遠臣唯有誦橫汾

西苑

曲房宣室自逶迤聖主中宵正受釐湛露曉疑千片玉甘泉春長九莖芝
鳥栖御宿啼偏早花近朝陽落故遲自識萬機宵旰切望仙臺下草離離

紫居

自憐多病強加餐里巷浮湛罷據鞍懷舊十年蓬鬢改傷春三月落花寒
志酬投筆元非易事到持杯便不難敢謂閉門深避世亦知門外有波瀾

戲簡幼元

處無善策由無才待罪行間事事乖
婦人春色真如酒悅世禽言總是傳
首陽甘棧者何如金馬漫談諧

唐觀察招飲共尚書園亭

名園樓閣散春晴飛蓋初停黃鳥鳴
石為山開綠野壘池引水接滄瀛

露花視女臨妝色風簾尚背度履聲獨訝主人潭不見翻令過客易含情

西湖卽事二首

千里長堤柳色新六橋凝碧水潏潏桃花似妬青樓女楊柳如思白舍人
鶯語風前猶自澀山容雨後尚含顰武陵花日通來往不向漁郎數問津
錢塘蘇小蒨羅衣短棹穿花過釣磯望帝聲中怨離別夢兒亭下惜芳菲
微風吹藻鱗鱗浪落日銜山樹樹暉最是碧雲隨處合美人乘興夜忘歸

越溪逢袁生飲

范蠡湖邊一棹回偶逢袁紹最深杯浮萍散雨涼風至高樹排雲明月來
浮白且謀今夜醉樓烏不問故宮哀相將共選溪頭石乍可披裘作釣臺

江上遇蔡都尉

同是窮途歎數奇賜冠凋敝不勝悲孤蓬夜雨天涯淚老驥秋風塞外思
去國一身渾似夢歸家雙鬢各成絲長安記得相逢日正是桃花飲馬時

贈建平潘子會

潘郎星異尚朱顏爲卜郊居已賦閒爾汝孔融多綠酒比鄰謝朓有青山
濯纓水上遊魚過高梳花間宿鳥還敢向宦途論巧拙清時唯有閉柴關

靈谷寺

十里長松入杳冥殿前功德水泠泠氣因定幽干林紫山託傳燈萬古青
群鹿避人過隧道果花迎客媚空庭草堂惠帳今餘幾笑誦相問舊勒銘
長安逢塞上班師友人作漫和

盛秋胡騎若雲屯奏捷飛書入雁門浪說單于刑白馬難稱公主嫁烏孫
班師節鉞歸三殿欵塞旌旗過五原幕府獻功方飲至撰成鏡曲侑金樽
西苑宮詞二十四首有序

夫古之帝王登封降禪類帝禮宗詩書之所稱述者未墜於地恭惟世
廟中葉端居西齋宮者垂三十年良由睿智天縱妙應萬幾時適又安休
徵協瑞日夕望祀蓬萊受釐宣室莫非祈禱長生願言久治蓋不出九重
之內能福億兆蒼生豈秦皇漢武梯山航海騁慾以罷民哉草莽遠臣頻
遊都邑聞之客座煥焉可紀乃撰西苑宮詞若干首雖未嘗與聞闕宮之
玄妙庶幾不誣閭閻之頌說而已

肅將上帝祀明堂寶鼎昭回日月光九獻不須歌舊曲詞臣昨已撰芝房
秋殿清齋正受釐迎和門外立諸姬大官不進麒麟脯御饗唯供五色芝

陳蘭玉麥釣夫西苑宮牆近籍田水旱恐煩祠后土未央深處好新年
宮女如花瀟灑場時聞雜佩響琳琅玉龍蟠劍擊仙表金鳳鈞鞋踏斗罡
風閣傳呼鑰鑰開中官齋捧御題來直廡夜照青藜火銀筆如椽徹曉裁
方機分符百道飛四時禮類萬靈歸林微勒石盈青壁瑞應成圖進紫微
一株沉水萬金裝篆刻蛟龍縷鳳凰工巧敢言歆上帝精誠唯許格君王
夕烽千里照甘泉一紙降魔敕已傳急道六丁乘羽駕火輪金甲淨幽燕
靈藥金壺百和珍仙家玉液字長春朱衣擎出高玄殿先賜分宜白髮臣
寶錄金籤燦几筵子雲正是草玄年石渠天祿如林士同校宣和道藏編
千雲裘擁五雷冠祈雪霄開太乙壇符鶴未回金闕靜燭龍猶照玉宸寒
金壺漏水響丁丁直宿官城坐月明潛聽象牀龍睡穩玉階低演步虛聲
通天臺上接三台景命重臨清醮開拜舞不同郊社禮科儀一一聖人裁
香臺紫氣鶴精空靈取神休集聖躬垂拱萬年如一日禮臣何必議青宮
內宮新製玉清符獨賜親臣道允孚何事官家頻顧問宰公冠上戴曾無
真人方術鬼神愁出入金縷駕玉蚪齊北少翁曾賜爵膠東樂大已封侯
金符寶笈護雲英鸞鶴銜將入上清拜受玉霄龍鳳簡元陽象一字分明

聖朝臣庶洽非裳慟哭非時祗自傷
竟日天威無霽色容城年少有封章
仙真異迹豈無因海嶽靈區合有人
夜殿焚香親製草詰朝分遣內臺臣
蓬萊方丈可梯航勾漏丹砂近寄將
昨鑄銀山高幾許試持玉尺殿中量
瑞氣祥雲薄海濱遠藩齊獻百千春
進來白鹿高於馬馴投金甌不畏人
頌美揚休錦繡香栢黃新帕蓋青箱
內中書法人間別寄字能兼救字良
君王常在集靈臺正殿歲黹鎖翠苔
縱是明良不相見處廷庶事轉康哉
方士如雲泛海槎采真元不爲丹砂
萬金煉就壺中藥愁殺仙人夢綠華

明妃

白龍堆裏寒雲昏黃鶴歌殘馬上論
自恨良家克內選也同公主嫁烏孫

飛燕

三千宮女廢昭臺飛燕雄心尚忌猜
乍報殿成名合德悔教小妹入宮來

春日花下飲

春風青鬢未成絲放浪江湖只酒卮
二十年來真落魄不曾醒眼看花枝

廣陵逢陳郎

竹枝歌罷說離情草綠揚州水上城
憶汝怕逢顏色似杏花開處不曾行

題桃花画扇

碧桃樹底醉流霞，記得當年翠袖遮。今日漂零嫩扇在，令人腸斷故園花。

阻風

西風吹浪不能平，又阻歸舟一日程。正是關河愁絕處，柳條無數作秋聲。

李千戶元昭

元昭字用晦，杭州人。世襲千戶，棄去不就。與童侍御、南衡方職方、十洲董結社西湖，其詩皆明農習隱之言。又好鍊丹服食，自詭能度世。所居曰峩山房，詞客過者多爲詩吊之。

新昌蓮峰呂山人夜携魚酒過訪丘中，因有此作

日入林經晦，乳犬吠簷隙。下榻蕪蘭香，避逅滄浪客。菰條貫溪魴，瓦瓶挈村醪。傲睨不作禮，蒼霞飄短掖。班坐肆吟笑，河漢倚寒席。墟落交廣風，松篁自相戩。優游塵外懷，乘此杯中適。第覺五情爽，冥然會玄默。

送周虛巖歸吳門

返棹歲將晏，離亭酒亦深。島雲寒沒影，江日凍生陰。莫惜飄蓬跡，應傷折柳心。丘中誰共調，徒自理鳴琴。

春雨閒居

簾幙陰將放，窗書潤未收。水埋高渚，春雲透遠峰。頭綠重，草容悅，紅暉花
態愁。閒居對妻子，燕笑撫茶甌。

結褵子

世態人情薄，如紙平原倏。忽風波起，那知筵上絕。纓客區馬橫戈，爲君死
山中秋夜

萬竇秋潭靜，千岩夜色新。山中花作妓，海上月爲賓。酒泛丹丘桂，莢傳碧
澗尊。暖雲凝石榻，高臥傍南宸。

過吳判官村居

殘虹明遠浦，片雨洗平疇。戶敞從雲度，階空任水流。醉因花影勸，歡爲鳥
聲留。日暮渾忘返，高眠傍斗牛。

樓卧寄濱上人

肥遯偏宜林壑幽，夢魂常在閩風遊。白生牕裡星河曉，紅落階前木葉秋。
僕懶，祗堪操藥竈。兒胡時得薦茶甌。浮雲不薄消虛客，終日相從臥石樓。

張參將如蘭

如蘭字德裕南京羽林衛世襲指揮使中武舉第一人官至淮徐漕運參
將以子可大功贈特進榮祿大夫右都督博極群書諳古今事如指諸掌
凡陪京大利弊興革靡不條議見諸用晉漕治河所至有聲跡好學勵行
動準古人人儼爲杜元凱羊叔子之流有文章兵法譜十卷詩文集三十
卷可大以大帥死節自有集次子文寺有才名集錄明詩別裁風雅於余
之采詩有助焉

淮陰祠二首

劍鏑模糊洗血痕頽垣如見舊精魂誰知寥廓無雙士猶自徘徊一飯恩
咳唾河山歸赤帝解推衣舍悞王孫吁嗟此意空千古淮水淒涼白日昏
天心草草用英雄把釣應難比夢熊宰肉有謀偏躡足分羹可忍况藏弓
謀臣無計留高鳥猛士空勞咏大風荆徹徃狂樂布少何人哭向未央宮

過管夷吾三歸臺

微管勲名竟立萊齊原東望起高臺當時直向前車死此地應須左袵來
九合既能扶日轂三歸何礙倚雲堆有人衰草長堤下幾度西風感歎迴

吳門夜泊

夜暗歸雲繞柁牙江涵星影雁圍沙行人悵望蘇臺柳曾與吳王掃落花

步虛詞天妃宮作

春入仙宮放碧桃月華一點映初潮夜中斗柄方移轉雲外仙童弄玉簫

張都督可大

可大字稷甫參將如蘭之子幼警敏善騎射隨諸家兵法行立功萬里之志萬曆辛丑舉武進士受知於蕭宗伯雲舉歷官都司參遊晉寧紹副總兵所至敬禮賢士大夫投壺雅歌咸以爲侷戚再見奉勅以右都督鎮守山東率師勤王解圍都城先帝嘉歎領專敷平島帥劉興治內移爲南左正已得代聞兵亂端登州爲戰守計值登陷衣冠登城樓北向拜手刃二妾冀端頰某年月日登萊總兵官張可大死王難處遂投縶事聞贈太子少傅子祭葬立祠名旌忠謚莊師生平孝友淳重博學好古與時賢相贈答皆海內通人勝流有馭靈壘諸集葺古之儒將而以忠烈特聞尤足重也

書遊事四首

無端小草出登壇壯士徒歌易水寒枉把全師輕一擲遂將宿將盡三韓

腐儒誤國由房瑄野老吞聲恨賀蘭豈是胡人開殺運祇因中國自摧殘
去年此日戰潭河敗北頻仍感境多未見北塵先解甲若逢胡騎便投戈
出關已絕生還夢應募惟聞浪死歌一自上都重失後人心海潮奈如何
未得君王丈二笈人人能說場等處防邊誰上方城界等國曾無平準書
四出徵兵飛赤白再言加賦算備殊東夷未靖中原動只恐嚴霜不易除
邊臣失計歎呼延遼左於今困右賢招討使承斬馬劍從征軍賜大官錢
神京未可稱高枕孤塞應須策萬全將相共和文武濟勿令烽火照甘泉

泛海

到處啼鶯倚棹歌客懷偏向布帆多黃雲飛盡天如洗
蓄背山前萬頃波

童書買癖

佩字子鳴一字少瑜龍游人從其父以粥書爲業往來吳越間少不能從
師塾從其父挾策問字輒能通曉意義買一舫不能直項帆檣下皆貯書
讀之窮日夜不休已而能爲詩清俊可誦嘗游崑山執經于歸太僕爲算
往錫山寓舍太僕爲贈序道其依依問學之意久之詩益有聲又善文證
書畫金石彝敦之屬太保朱忠僖與其兄恭靖王遣人邀至京師愛而欲

容之一夕。去弗顧。曾與高淳韓邦憲定交。逸旅邦憲守備。過其家。龍丘
山。烏中序布衣兄弟之誼。太守下教邑。綱紀龍丘。逸民前其後。珮其樹。縛
擗左間。以風在野。子鳴固辭。請爲祠。以祀龍丘先生。邦憲卒。于官。徒步送
其喪。踰嶺。病憊。夢太守邀與並駕。以婚嫁未畢。辭不可病。寢劇而卒。年五
十四。子鳴。藏書萬卷。皆手自勛。雖面竣。削骨立語。呻吟不出。口篤于定。宜
有所期。雖千里不爽。薄田數十畝。割其租。以劬村塾。俗三男一女。捐羨粟
以給。舉女者。其制行士大夫弗逮也。余竊取子厚。更商之。義題之曰。書賢
云。王伯毅曰。子鳴詩。皆性靈。讀之。蕭蕭有雲氣。往歲游燕山。燕山詞客如
雲所至。必分曹命簡。聽漏畫燭。爭晷刻之捷。子鳴方危坐匡床。目眩不出。
聲比誦一篇。風調。覺絕。群容氣色沮喪。子鳴退然。不敢當性。喜閉戶。必斐
易而後出。出則使人彈射。往往未愜。并其彘削之。不存一字。存者又漫置
床頭。魚蠹鼠啮之。畧盡。以是所存益無幾也。今所存。童子鳴集。有詩四卷。
文二卷。子鳴師。婦太。僅得其指授。王元美爲子鳴作傳。詳叙其生平。師友
不及太僕。伯毅之志亦然。太僕之問學。非時賢所知。亦可見矣。

白亭辭

秋風起白露垂天涯客子夜索衣篋中惟有江南草一片銀絲萬行淚借
是前年暮春寄寄時不爲秋風寒此夜却同秋月看

人日病

下帷巾櫛廢人日病匡牀逆旅春難到山城日自長問年尋舊曆暴藥製
新膏却怪梅花訊無端發路旁

夜過黃一之塾中

徵君家陋巷細素對匡牀門外半城月鄰家幾樹霜留寒臥壁竹影渡
過墻不以貧爲累高歌自慨慷

賦得鋤井送湯憲副

寶鉞曾留此千年尚有名星辰片雲識風雨半江生鍊想古人跡功知烈
士成張華在當路寧使久延平

上巳日登居對雨懷管建初

門外無游女匡牀祇自憐家園逢上巳客路類前年風雨花枝上山川笠
子邊因憶京洛士誰送水衡錢

千山平遠臺

無諸行樂後，黛色屬禪宮。不藉空王力，何知伯者功。高城隔海氣，古木雜山風。未到人先說，金幣萬井中。

除夕

閉門寒滿榻，長鉢共蕭然。數日客千里，一家人兩天。歲華流水上，心事草堂前。誰謂春風近，三更是隔年。

送盛朝用諫詩方山

靈巖華陽竝松杉，遠世氛縈多前代。草香是隔山雲花，氣惟春議書聲抵。櫻開傳經君獨往，弟子候河汾。

題王伯毅半偈菴

石牀當几席，香氣入花枝。偈學高僧課，人將大士師。龕聲隔樹好，日影過牆遲。却怪時名滿，文章漢主知。

善卷洞

小洞玉淙淙，琳瑯石幾重。花枝自流出，芒屨免無蹤。怪氣時衝壁，泉聲或亂鐘。人言風雨日，咫尺有蛟龍。

大姚寺

友聲言集一
江國何年剝村人說大姚波濤學孤島棟宇似南朝水關烏巢少天寒祇
樹凋客來黃葉裡風色共蕭蕭

感懷

兵火東南暗隨人泣路歧有家千里外多病一身危寒氣生殘夜西風凋
弊衣休論啼帶血雙鬢幾莖絲

過顧徵士陽山別業

繡壁盤空下春深花氣寒瓊瑤學島嶼重秀走岡巒賦向青山課琴隨流
水彈還因畏塵染自剪撥爲冠

夏日避兵西山有感

家國遭多難干戈道路將深山獨流落長夏亦淒涼飯拾空林橡炊依廢
寺香時愁豺虎到落日掩門荒

重過顧氏別業

雪重泉仍急陰濃池覺深開禽知舊客啼樹悅初心鐘度生山月風過墀
竹林偶因流水思一試抱來琴

碧雲寺

障子學芙蓉僧蹄雲幾重西來留白馬東去拱蒼龍松鎮千林翠山藏滿
寺鐘却嫌香積水流出世入逢

送何子壽赴蘄遼幕中

長游歌激烈不問歲華非七首雪花落馬頭霜擊飛星隨渡河客秋滿山
關衣獻節春風裡知君草檄歸

大慈寺

寺裡藏雲氣丹青引客過春山一墻隔啼鳥六時多列石成巖穴閉門生
薛藟逃禪恰宜此歸奈馬蹄何

夜渡湘水

若爲乘夜渡貪涉此山川水自三湘合雲知七澤連蛩聲暗秋色雁語雜
寒燭莫問黃陵廟門前斷客船

觀音巖贈僧

問道親融東逢僧是遠公林間孤殿破石下半潭空雲影戀苦綠山光借
樹紅翻經對靈鷲日日鳥聲中

雪中早渡錢塘

江上衝寒發傷心歲事凋亂山三面雪孤棹五更潮來往換新鬢寒暄老
黑貂誰云到家近翻使旅魂消

溪行二首

川原呈伎倆窈窕春晴溪轉日頻換窗中山自生牙橋增水屢度氣壓
船輕小鳥何爲者無端是處鳴
古諺船胥口無風亦自行雲來山覺潤魚見水知清烏石閣誰鑿桐君窟
幾盃襄陽小昔舊誰爲續圖經

贈藥山人

衣襟水素心狂游寧復計迷津他鄉作客花爲伴午夜長歌月是鄰
自有青山囊裡賣何妨白髮旅中新新詩莫說無人繼爲報藍田北已真

寄陸子和博士

樹裡看雲遠更濃與君只隔幾山松論交未卽眉間色識面難將病後容
春蠶黃鸝啼處處雨深青嶂濕重重陸機孫楚官相似倘肯來尋石竹蹤

懷譚思重太常

東望相思淚欲流尺書緘就寄無由詩當窮巷何人采葉有殘篇只自難

一片青山寒屋上，半村紅杏老枝頭。
五湖城外陶家柳，雨後新巢幾個鳩。

蒼錢山人樵實

論交不是路歧情，青眼爭隨楊柳生。
故國年華花一樹，貧家尊酒酒三行。
石邊流水原無味，門外青山豈必名。
却恐君歸近城郭，餘將詩句落公卿。

寄秦汝立

思君無那路重重，何處山形是九龍。
蔣詡門前三逕竹，陶潛宅裡一株松。
汲泉釀酒添新甕，留客裁詩入暮鐘。
今夜關于挂春月，清光可以別時濃。

積雨

塢中積雨蘚痕青，門外流泉枕上聽。
漢客年華消渴病，越人人事養魚經。
居山已識龍蛇氣，灌藥聊資木石形。
更喜濕雲能悟道，林間夜護少微星。

無題

紅蠟吹風冷洞房，絳綃渾減舊時香。
堦前細雨愁千縷，帳裡梅花瘦半牀。
身入黃昏同朔漠，魂疑咫尺近瀟湘。
尊前怕檢高唐賦，眼底無人是楚王。

雨中還家與兄夜話

作客歸來水滿囊，謝家生事轉淒涼。
紫荆樹樹都含雨，青鬢人人半染霜。

異代狹邪逢處少他鄉山水過來忘庭前獨賴蘭荃草花氣雖微較自香

惠山寺再送王伯穀

祖席重開酒近泉驪駒再唱侶爲仙攀將柳色青前度挹取山光綠隔年
滿路水消春在水半池雲淨日當天無論溪上東風好旅客相看意惘然

宿上封寺南岳

上封林處磴千盤爲訝高雲礙竹冠晴氣滿空還似雨秋光未半忽生寒
客來石上占星聚僧住巖前作鳥看一榻偶然金磬側誰將銀漢挂關干
顧懋儉約看青墩荷花不得往

程伯陽

群玉峰西一片霞游人爲說是蓮花可憐不得同船來今夜秋江月自華
王寅曰師道家貧賣藥自給詩多漫興而沈思者自入法評懷許仙則風
韻幽閒過雄路則意象悲壯惜哉混迹塵市故其詩道未光

園居

籬落帶疎林園居一徑深隔隣分果樹傍戶埽花陰不賣成都卜長爲梁
父吟翻嫌桔槔者抱甕百年心

過南山懷許宣平

仙人去已久我來經南山丹竈今已沒白雲長自閒風吹柱枝綠雨落桃
花斑空傳負薪句沽酒何時還

都門逢族人

白髮都門道相逢意自親卽傾竹葉酒共醉楊花春漂泊任孤旅疎狂異
衆人還思汊口上婦去好垂綸

過雄路

孤村兵火後小店閉斜曛斷鏃人猶拾陰磷鬼自焚寒花猶笑日倦馬故
嘶雲野老逢相問停鞭不忍開

孫友篋

王寅曰伯諧好神仙山居獨行洞簫在佩不顧俗諺飄然自怡故其詩任
性放吟癩于祖述間有合作便越凡情若行看水流去坐期雲飛還我家
老梅花開到第幾樹行人欲問前朝事翁仲無言對夕陽皆稱佳句

避喧

避喧苦城市習靜愛溪山行看水流去坐期雲飛還援琴發真趣乘藥延

顏顏終歲無車馬孤吟常閉關

逢鄉人

爾從山中來今喜江上遇我家老梅花開到第幾樹

過程學士墓

野水空山拜墓堂松風濕翠洒衣裳行人欲問前朝事翁仲無言對夕陽

袁卜士景休

景休字孟逸吳人讀經史喜爲歌詩芒屨竹笠徧游吳越山川歸而受一塵于吳市以賣卜終老劉子威以海內文章自負吳人推服之無敢後景休毋向人挾搯其字句鈎棘文義紕繆者以爲媵笑子威聞之大怒訴之于郡尉攝而笞之尉數之曰若敢復媵笑劉侍御文章耶景休仰而對曰民寧更受笞數十不能改口舌舌妄譏劉侍御也尉笑而遣之吳人用是益唾子威孟逸死無子夫嬾窹棺于法水寺之旁上雨旁風暴露者十年林若撫草疏告哀莫有應者闔人林古度寓法水寺吊而悲之取一摺扇西兩棺貯敗室中極荒涼慘淡之狀而題詩其上曰兩柩荒荒牆壁存雨淋日炙傍顏垣君平善卜自不料伯道無兒誰與言倘仗詩篇埋白骨猶

憑風雨閱黃昏何時墓上真行殞千古山松共姓袁以扇授僧牧菴俾爲
募葬新安程月樵見而慨然出錢以庀窆窆乃得葬于袁氏祖山而古度
書其碣景休爲詩多口誦不屬草其于吳門詩人多所嗤點而獨好林若
撫今其遺詩二百餘首皆若撫口授也

送沈嘉則遊中原兼訪臧將軍

中原此去欲如何把酒閒君慷慨歌道上霜寒逢白雁馬前木落見黃河
五陵烟雨秋難盡三輔風雲氣尚多記得少年曾學劍壯心猶自憶廉頗

唐替者汝詢

汝詢字仲言雲間人五歲而瞽父兄抱膝上授以三百篇及唐詩無不成
誦旁通經史能爲諸體詩箋注唐詩援據該博亦近代一異人也嘗過余
山中酒間誦子虛上林諸賦杜白諸長篇鏘金戛玉瓊琅不遺一字留校
杜詩時有新義如解溝壑疎放之句云出於向秀賦稽志遠而疎吕心放
而曠亦前人所未及也仲言之兄汝諤篤嗜王李之學仲言童而習之故
其于詩未能超詣蓋亦雲間流派如此

夜別陸長倩得青字

恨別高樓酒易醒
坐開落葉滿沙汀
春來倘憶同遊地
無限垂楊夢裡青

折楊柳

昔攀垂柳唱陽關
柳復垂絲君未還
惟有楊花易飄蕩
隨風吹得到陰山

顧公子斗英

斗英字仲韓上海人少有雋才磊落不羈窮服饌娛聲色選伎徵歌座客常滿日費萬錢不憾每出輒載與俱画舫旅栖盆卉圖書古尊壘畢具竟以此傾父貲鬱鬱貧病以死仲韓初與華亭莫廷韓皆秦川貴公子風流文彩人稱雲間二韓廷韓詩名滿天下而仲韓勵有傳者晉江黃居中錄而存之七之身後名亦有遇不遇如是可歎也仲韓詩如樹翻光客醉山欲借煙青苔青山作黛沙白水爲衣窗瞻荆花雨池酣織柳烟山從斷處教雲補橋向歌來仗石扶欲延月意窗從破恐碍荷香麝罷焚白髮憐人音亦滿青蚨問我剩還無諸聯皆新警秀發使入廷韓集中得其一二便

地壓卷

花間有贈

十五函新蛾紗窗乍學歌
織腰微約素美珠暗迴波
遇賞春愁少逢歡夜

態多名花非不飽解語奈卿何

殘柳如新柳

西風蕭瑟柳條輕翻似依依乍向城看去尚含南浦恨折來俱是故園情
楓林解點桃花色杜宇能爲黃鳥聲留得舊時餘影在秋江一路月扶行

秦淮小娘

一片春山乍學搖纏頭初試紫霞綃章臺無數青青柳最惹東風是嫩條

嵇公子元夫

元夫字長卿吳興人少起貴介放跡不羈爲鄉曲所中坐法下獄既釋厚
自濯勵苦心爲詩有白鶴圍集都門送新鄭一篇感激磊落翩翩然俠氣
在目也

立秋日盧溝送新鄭少師相公

單車去國路悠悠綠樹鳴蟬又早秋燕市傷心供帳薄鳳城回首算雲浮
徒聞梭騎宣乘傳不見群公疏請營三載布衣門下客送君垂淚過盧溝
新鄭乘牛車去國次日乃有乘驛後命故詩記之

刈稻夜歸

西莊刈稻夜半啼明月皎皎當柴扉
樓聲隔岸人語近斗柄插江霜氣微
木葉蕭蕭覆林屋蘆花茫茫蔽釣磯
兒童村南酒家去野夫獨立風吹衣

費秀才元祿

元祿字無學鉛山人南太僕卿堯年之子也費爲故相家又貴公子而無
學折節讀書爲歌詩落筆數千言蘊義生風傾慕賢士大夫如恐不及刻
甲秀園集佈以好賄問遺海內名士輪蹄舟楫交錯吳會閩楚間史稱鄢
莊置驛殆無以過屠長卿報詩云相思累寄靡無草見面難于優鉢花其
重如此余爲書生時無學致束脩之問數郵書相聞居數年無學以病
廢且死猶以不得東下相就爲恨可念也太僕病革人真見馮祭酒開之
主東嶽舉以自代無學卒亦有異夢如李長吉白玉樓事江右人能道之

金陵詠懷古蹟四首

含章殿

烟沉弱柳隔晴沙窈窕香臺憶主家
綺樹遊絲留曉色瑠窗粉蝶戀清華
鏡邊月暈蓮城蟹陌上塵埋七寶車
點額新妝招不起黃鸝銜出舊時花

善泉池

一名九曲池昭明太子所鑿

滄池漉流鑿昭明前代風烟九曲
沙環鳧渚邀垂釣花積魚牀隱濯纓客辭何勞歌桂樹就中山水自忘情

勞勞亭

八月金陵天氣涼勞勞亭畔雨花香
誰家別淚霑紅粉幾處秋風起白楊
沽酒城邊頻繫馬聞歌道上總思鄉
古今無恙東流水多少行人爲斷腸

新亭

過江形勝感宗臣暇日登臨似維濱
風景淒涼空舉目神州凋敝屬何人
棠花自發青蕪香燕子初啼白屋貧
况是經過王謝宅不堪衰草更沾巾

林秀才世璧

世璧字天瑞閩人尚書康懿公之家孫也
生而善病高才傲世醉後揮酒
千言立就嘗游鼓山賦詩云眼前滄海小
衣上白雲多鼓掌狂笑失足墮
厓而死年三十六有彤雲集六卷

搗衣篇

西風白晝已漫漫玉露淒清玉漏殘
水簾銀床秋弄色翠幃羅幙夜生寒
年年秋夜何蕭索幾度芙蓉楚江落
聞閨佳人慙扇悲關山戍客征衣薄

闌閣關山片月明相思不盡擗衣情欲知此夕淒涼思請聽終宵斷續聲
淒涼斷續愁將算爲捲珠簾散香霧翡翠樓邊旅雁過鴛鴦沼上流螢度
流螢旅雁爲誰飛飛去飛來淚滿衣政惜紅顏凋寶鏡還將清夢繞金微
金微白雪三千里寶鏡空懸照秋水啼鳥飛花愁管絃青苔綠蘚生羅綺
羅綺絃歌他自愁春來秋去幾時休盈盈巫峽悲雲雨皎皎星河見女牛
星河巫峽傷心絕天上人間有時別窗牕空浮蘇合香羅衣尚掩同心結
此時憔悴令人嗟摘盡秋霜木槿花擣得寒衣向西寄不知何日到龍沙

秋雲篇贈別郭東臯

雲氣亘四時未覺繁懷抱如何纔及秋黯黯滿蒼昊梧桐一葉從風起蕭
颯秋聲已盈耳秋雲片片更堪憐遙逐秋風度秋水秋風偏促愁懷惡世
情况比秋雲薄人生踪跡本難期還與秋雲共飄泊與君相別動經秋握
手俄驚大火流誰知楚澤蹇誰日復軫青門折柳愁此時惆悵看秋雲一
帶秋山送落曠別後懸悲秋月裏數聲秋雁不堪聞

折楊柳

偷寒年年別蘭闥空復春東風不相識楊柳滿河濱弄色黃金嫩飄花白

望新折來雙淚落遺寄玉關人

秋宮詞

天涼月湛悠悠獨上高樓望女牛昨夜西風何處起宮中無耐不知秋

林舉人章

章字初文福清人七歲能詩塾師試題群羊應聲而就落句云曾從北海
風霜裏伴過蘇卿十九年又題韓文公像云歎立藍關雪回看秦嶺雲非
干尚不進步步戀明君塾師歎曰此子他日必忠而苦節者也世宗末
倭寇犯閩年十三上書督府求自試行間萬曆元年以春秋舉于鄉累上
不第嘗走塞上從戚大將軍游座上作灤陽宴別序酒未三巡詩序並就
將軍持千金爲壽緣手散去挈家僑寓金陵性好公正發憤南曹曲法斷
復陽之獄奮臂直之坐繫金陵獄三年出獄旅燕京十年關白之亂兩上
書請出海上用奇兵勦賊報聞而已戊戌己亥間礦稅四出逮繫相望初
文謂大工軍興縣官仰屋不當以空言聒諫徒激明主之禍抗疏請止礦
稅兼陳立兵行鹽之策上感動下內閣票擬舉行四明相承中人拊膺其
事竊揭請逮治望闕長歎憤懣撫膺卽日下獄暴病而死天下惜之初文

為人經術非元抗志經濟謂天下事數着可了而功名富貴可以契戾致
就離忤俗動與禍會約畧似南宋陳同甫葉適有言使同甫晚不登進士
第則亦為狼疾人而已矣豈不然哉初文二子君遷古度皆能詩古度與
余好居金陵市中家徒四壁架上多謝舉羽鄭所南殘書婆娑撫玩流涕
漬濕亦初文之遺忠也古度屬鄉人徐興公為初文立傳而曹能始叙其
詩皆傳于世能始拈初文佳句如客情似春草無處不堪生春風與柳樹
年年是故人無家逢寺好多病見僧親春好年年晚月寒夜夜秋皆酸楚
寥落可詠可傳吾謂閩中詩派宗子羽而禱善夫以撫倣陶襲為能事初
文才情跌宕於唐人格律時欲跳而去之要能不為閩派所羈縻可謂傑
出者也其詩蛾眉篇最著在晉安風雅中不具錄

秋闈二首

秋月何娟娟一輪冰鏡冷人心照不見照見人孤影
秋雨何瀟瀟五更滴紅葉滴滴葉間紅可以比啼頰

秋思四首

不知秋何如明月照人寢上照鳳凰琴下照鴛鴦枕

不知秋何如朝雲一片白半是巫山魂半是湘江魄
不知秋何如花開盡清絕蘋花白於脂蓼花紅於血
不知秋何如鳴蜩先解意長聲擣衣篇短聲織錦字

少年行

君不見長安俠少年酒底高歌花底眠聞雞走馬千金散何曾盜个官家
錢一朝忽報邊烽起從軍不待別妻子但言割地與和親不愁戰死愁羞死

姊妹行

與姊別時啼頭比姊自低幾年不見姊眉與姊夫齊春闈秋菊各芳澤花
蚤花遲總堪惜生憎一對似花人惱殺十年花下客花時能幾何客恨不
勝多翻作相思樹纏絲復繞羅鴛鴦宿海底好夢落風波空有青衫淚雙
彈回翠蛾寂寂楊花場迢迢桃葉渡長江南北頭總是相思路新人本非
新故人應是故只道相憐親上親那識相思苦中苦憶故如望月望圓復
愁缺伴新若轉絃一轉一纏綿纏綿復纏綿見妹如姊面年年春風時那
作雙飛燕姊應山上采蘼蕪妹莫墓前唱鷓鴣昨日書來無別話爲儂珍
重大姨夫

白雲觀秋夜

俯仰成何事，浮沉寄此身。無家逢寺好，多病見僧親。夜久霜欺客，庭空月礙人。西風數相過，不掃化衣塵。

春日送別

春風自多思，奈與客情違。揚柳頻催別，蘼蕪不送歸。千山蹶上馬，一曲兩沾衣。回首河橋道，迢迢看落暉。

居庸關見阻示同行

怪得關前逐客頻，匈奴早晚欲和親。無繻應不空還漢，有舌何須定說秦。雨氣千峰營幕曉，梨花三月塞門春。憑君斗酒城頭話，猶勝新豐店裏人。

莽春登燕子磯懷古

楊子江南燕子磯，楊花燕子一時飛。六朝人物空流水，兩晉山川盡落暉。草色遠迷瓜步去，潮聲暗打石頭歸。倚闌天際春三月，惆悵東風動客衣。

登黃鶴樓作

余被趙氏之寃，晚彌生之禍，因感二子過此吊之，嗟乎！今世不可知矣。子載之下，亦復有吊屈原者乎？

望裏山川是楚鄉。美人何處水茫茫。紛紛作客留江夏。越壑辭家出漢陽。
鶴去未知芳草暗。雁來先覺白雲涼。倚樓無限西風意。堪與千秋一斷腸。

酒舍

墟頭竹葉千杯有。扇底桃花四月無。且放歌聲滿天地。莫開醒眼向江湖。
南人不復憐鸚鵡。北客何須恨鷓鴣。芳草斜陽看不盡。春明門外獨躊躇。

吳門秋日送族人南還

百花洲畔木蘭船。杯酒西風思黯然。客似長卿遊已倦。人如小謝別堪憐。
江城暮色初回月。野樹秋聲盡入蟬。明日姑蘇臺上望。片帆落處是南天。

潞山送友還閩

草草相逢楚澤西。紅亭綠酒又分携。人生底事憐雞肋。客路長教怨馬蹄。
舒子州前檣葉暗。越王城裏荔枝齊。十年歸夢如流水。一夜隨君下建溪。

都下送林容江文學南還

春明門外半離亭。風雨時時送客經。十載故人應是夢。一尊別酒不堪醒。
吳江向楚茫茫綠。漢草連胡黯黯青。愁滿關山歸未得。天涯何處并雲停。

夜度恨道關

楚水東邊別路多，秋風夜半動離歌。迢迢恨遠關前月，獨照行人過汴河。

無題

曾從洞口送胡麻，一隔山門卽海涯。自是仙郎忘舊路，桃花流水不曾差。

代妓送別

春情又爲別離牽，舊恨新愁總自憐。莫問歸期何日是，安排腸斷綠窓前。

贈王中軍

將軍意氣似平原，三十年間客滿門。爲道報恩須國士，得來只是一盞醞。

爲文西寄情

教成歌舞也風流，曾學西家得似不。今日眉顰非是病，爲郎鎖下一春愁。

崔季鶯

怕教雪落歌應懶，愁作雲飛舞不輕。偷向東風啼柳畔，一行花雨一聲鶯。

爲宋洛雲寄林大舍

春江拾翠日徘徊，留枕曾憐子建才。不信多情歸賦後，更無一夢此中來。

鄭布衣琰

琰字翰卿，閩縣人。豪于布衣，任俠遊遊閩中。詞館諸公爭延致之。高文典

而多出其手每開閣不聽出翰卿笑曰吾具有鬚眉安能作三日新婦也
閻遇死遂跳之金陵新安富人吳生延居幸舍以上客禮之翰卿醉輒唾
罵主人呼爲錢虜吳與其兄構訟疑翰卿泄其陰事文致捕置京兆獄竟
庾死獄中徐典公摭陰詩話云鄭翰卿工七言少遊邊疆集中多悲壯語
如馬邑吹笳烽子急雁門獵火捷兒啼霜色欲將關樹折河聲如帶戍樓
奔馬行空磧開斯斷人皮殘水過語喧沙磧到天端馬小朔雲連海處鴻
低劍戟已消兵後穴僧憐猶泣戰時瘡回中曉窳炒霜飯磧裏穿衣踏月
行磧上陰雲連寒黑關前落日帶沙黃亂山獨馬嘶殘月遠磧離鴻叫曙
霜胡騎分營來漢塚蕃河流水到秦川等句令人讀之有封狼居胥之志
若陳幼孺之鵬飛塞日翻胡影馬飲流泉咽漢聲馬季聲之馬勒桃花街
荀宿笳吹蘆葉度榆林謝在杭之風吹紫塞草欲盡馬蹴黃河水未殘亦
不減鄭生高韻

半生行

余垂髫與徐典公文莫逆萬曆庚寅浪遊南北音問杳然乙未蜡月遇
典公于武林已而復別別後十年乙巳秋典公有新都之遊訪余豐溪

草堂杯酒道故悲喜交集因以余年來踪跡寫爲長歌以當浩歎謝少
連題爲半生行

刺促復刺促哀歌不成曲試聽征人歌一聲切切烏鳥淚相續吾祖卜地
三山麓世業繁華稱鼎族七葉盛文儒八代承章服仙郎群從十三魁司
寇諸昆十一牧青蚨無貫潤高門白蠹有編堆破屋我家鳳池東復東我
生白晝炯雙瞳九歲氣食牛十歲工雕蟲十二容華推宋玉十三詞藻學
楊雄春早姣童初莫雁秋來快壻已乘龍自憐妾髮初覆額自信君才非
落魄乳燕雙栖合吞釵文鴛並著交歡鳥定情爲雨更爲雲燕婉春朝復
秋夕百和香薰翡翠衾九微燈照芙蓉席桃葉須臾野蘭黃草根倏忽哀
聲碧哀聲野蘭兩悠悠玉粉香腮不少留珠箔塵迷羞拂鏡雕梁泥落恨
登樓石榴凝暗魂何處金錯刀斑淚不收烏影打霜啼滑滑鬼燈吹雨夜
啾啾管停孤鳳難成調絃到離聲只聽愁孤鳳離鸞顏色故春鴻社燕流
年度一旦飄零委逝波五年骨肉同朝露仰首悲旻天俛首看墟墓雨餘
寒蝶泣虛堂日暮飢題滿庭樹吊影推心肝風雲乖所遇洛陽季子更無
錐蜀道長卿空有賦結得韋郎再世緣續將蔡女已離絃雙雌繡出茱萸

控四壯迎來號項鞵涼月更壽巫峽夢落花重泛武陵船青雲無媒日復
日白髮有根年復年丈夫壯志已如許不願低頭守兒女長歌問天天爲
愁出門拔劍驅車去遊子空悲懨上駒嘶人寧效倉中鼠不草治安趨帝
闕便斬樓蘭獻當寧匹馬奔家客路塵馬頭明月幾回新昭王臺下猶懷
古督亢亭前早問津年比士龍初入洛才如五羖便歸秦雲邊鵲聯青
瑣日下鷓鴣舞紫宸詞客盡叨三館祿酒人爭買九衢春泥塗不復知鴻
寶草莽無緣問小臣青草薊園寧買骨白衣祖道未歸輟虛龍成老干牛
衛涿鹿天空鷲騎屯欃策馬周終不達干時曲逆莫辭貧爲遷苑路如隨
馬燕掠官墻不見人蟋蟀啼來惟閉戶蘼蕪多處正沾巾蟋蟀蘼蕪生又
滅感遇傷時兼恨別淒淒歲暮望眼枯綿綿遠道中腸結老奴夜號衣裳
肌瘦馬書眼劓粟竭豕硯不融指如墮暖罩無權面欲裂縹緲虎含毫業似
椽神龍出匣終非鐵魚困涸涸日是珠驥服鹽車汗成血以茲感嘆歲華
更又逐征夫更北征天劃故關無雁度雲連衰草斷人行元戎盡錫飛魚
服點虜皆堅市馬盟虎帳曉愁沙磧雨龍荒慘澹濁河聲黃花較獵安西
卒玄菟高烽海北替雪捧牙旗朝草檄月高鈴閣夜談兵射雕原上雲初

淨散馬回中草漸平
登鼓椎牛威遠堡
登陣禦士受降城
偶饑天黑呼群
泣烽火秋深逐隊明
從古請纒非浪子
由來譚劍屬書生
書生任俠空馳
逐
湯子從軍非碌碌
前年靈武全軍覆
昨日遼陽新鬼哭
惟聞蜩陸發邊
饑不見虎頭飛
食肉腰間寶刀
悔未試篋裏陰符
懶將請黑貂
盡敵臥牛
衣白龍不遇空魚服
幾年滄海變桑田
何日陽春回黍谷
萬事升沉笑棘
猴一朝得失同蕉鹿
著書無計學虞卿
去國有袍憐范叔
虞卿雙壁委蒿
萊
范叔一寒如此哉
歲歲白扉題鳳字
年年華髮困龍堆
笛中楊柳愁難
爲
曲裏關山恨未裁
漠漠秋烟生筆冢
萋萋春草上琴臺
冰因腹冷終難
解
木爲心堅更不灰
萬里橋邊題柱過
一丸關外棄橋回
蕭蕭隴樹蕭蕭
淚
續續胡笳續續悲
白眼風塵羞故土
汴水漳河接東魯
鄉下荒臺鳥雀
悲
靈光廢殿牛羊聚
龜蒙山勢到平原
馬頰河聲通夏屋
釜逆旅誰憐似楚
囚
騷人卻笑爲秦虜
長淮東下且停橈
五兩邦江廿四橋
瓜步北來猶有
渡
廣陵南去不通潮
石頭波浪連三楚
京口帆檣問六朝
柳絲儘將牽別
思
偷錢都把買官腰
風風雨雨千重恨
燕燕鶯鶯百倍嬌
鴛鴦若有情燕
燕
還多態過馬或遺鞭
逢郎應解佩
採蓮若嘗蓮子心
摘菱莫笑菱花背

詞賦客如雲風流花作隊買棹發吳龍對酒論興廢蘇小門前粉黛銷西
施苑內琉璃碎垂楊十里萬條斜珠勒羅衣問俠邪夜月家家寒食酒春
風處處斷腸花王孫客路愁芳草遊女深園正破瓜眉翠新粧月顏朱欲
覩霞恒口半遮歌宛轉玉纖無力送琵琶琵琶聲已變宛轉歌初轉萬古
鍾情不似崔一夜離魂應比倩願作盤上絲纏柳同一線願作鸞遊鏡園
副同一面鏡好比優寵持來歲歲光線將比郎意牽來縷縷長羞看倚門
笑焚却舞衣裳君才學鸚鵡妾願學鴛鴦懷書去國無人識賣劍移家非
故鄉鄣嶺千重高似掌豐溪百轉曲如腸親知隔絕疑天遠桂玉艱難恐
歲荒鄴出鳳巢皆有彩駒名驥千定稱良甫因潦倒留愛府白也漂零困
夜郎世路亂山多坎壈人情萋草易淒涼已揀涸水資蛟螭亦有平栖侮
鳳凰寧不感恩終按劍豈無知己但空囊嚴霜撼撼啼征雁小雨瀟瀟泣
夜螢此時思婦腸堪斷此際空闌坐愁吟若避青鏡風光好妾處紅顏歲
華晏尺素寥寥雙鯉遲明河耿耿三星爛海上雲生啼夢懸溪南草長春
思亂一年一度燕都歸飛去飛來雲不散金鴨灰寒寶篆銷玉魚帳冷銀
屏暗鴉翅何心春去留杜鵑無主花羞看人知妾有夫棄妾不如無秋荷

捧朝露難將初作明月珠秋林落晚霞難將取作紅羅襦潮水向遙猶有
信月圓雖好只須更卷菴到死心難折楊柳逢春眼不枯楊柳結深愁菴
菴發心恰鄉國路悠悠鄉關雲莽莽鄉夢偏驚欹枕時鄉心怕到高樓上
鴛來鄉語暫爲歡搖落鄉園花不實故里偏思鄉信歸故山只送鄉人往
到門有客問沈淪同謂相憐意倍親似我盤跚非故步逢人巧笑效初
巴淪九折終歸海越絕千峰盡向閩百感故人燈下淚十年羈旅夢中身
殘冬對酒還今夕除夜題詩又此辰憶昔題詩兼對酒舊事談來堪白首
一半交知埋草根幾家池館餘衰柳碌碌生涯且莫悲悠悠書劍今何有
斷鴻天遠消息稀少婦春寒別離久郎今莫怨山下山妻處願爲口中口
閉門小隱是鴉栖天馬峯前飲水西菴米葉乾秋水盡木棉花落夕陽低
河流灣到三三盡雲雨峯迷六六齊何處關山何處月一行征雁一行啼
歸來兮採芑家人兮色喜一園新竹風池邊數畝荒田虎丘趾歸來兮採
薇野人兮息机採芑登岸三椽屋螺女江頭一釣磯天高海闊路行難一
事無成淚不乾爲語妻孥休歎息筆花猶在劍光寒

春日即事

行葉由田柳染齊女郎何處唱銅鞮春衣隊
遇頻嘶馬社酒人歸盡問雞
二月杏花三日雨千山杜宇一聲啼
年華漸逐東風去腸斷紅橋小苑西
再送陸四

別酒重開上驛樓
驪歌聲裏看吳鉤
種魚有術龍君老
相馬無經驥子羞
疎雨過城槐葉暗
夕陽連水木奴秋
還家記與猿公語
不見書生萬戶侯
哭李大將軍

十萬旌旗染血丹
招魂夜夜哭秦乾
殘兵來拾中郎印
野鳥飛登上將壇
金鞞鎖門嚴鼓角
石麟窺塚葬衣冠
至今嗔吞騎胡馬
猶是將軍舊戰鞍
汪懋忠七十從軍之燕

千金紫馬百金裝
白首窮邊烈士腸
一雁正來君又去
二毛雖短劔還長
燕臺馬死崩寒日
易水魂歸哭夕陽
筋力尚堪三百戰
牙旗秋捲塞雲黃
贈隴西達將軍

十載屯田塞下聞
虬鬚燕頰氣如雲
帳留猛士皆降虜
劔是擬龍亦報君
張夏至今勞使者
玉門終古老將軍
高秋較獵歸殘照
衰草黃榆放馬群

寄范伯修兵憲

吹角營門擁大旗，白猿黃石佐兵機。無支月冷啼金鏃，柳鵝泉清洗鐵衣。
戰馬到秋分陣牧，獵人穿燒射生歸。郵都尚作雲中守，衰草連天無雁飛。
春日唐長卿兄弟邀同喻宣仲何主臣東山觀伎并爲宣仲贈別
少年何地不淹留，載酒斜陽陌上遊。鳥向尊前窺豈蕊，客從花外聽箜篌。
離顏對酒人寧醉，別恨關春柳亦愁。明日亂山江上路，鷓鴣聲裏繫孤舟。

輓鄭都護

中興功業更誰論，萬里摧殘百戰身。龍虎舊衣分愛卒，麒麟新塚哭佳人。
金羈盡蝕珊瑚支，血寶劒從吹鶴鶻。塵塞外長星沉碧海，五原西望淚沾巾。

贈顧小侯

甲第連雲瞰帝城，画簾繡箔照朱甍。新開馳道千金埒，舊領團營七轍兵。
方士房中龍虎鼎，侍兒花底鳳凰笙。燕山二月春初好，玉勒朝朝待曉鶯。

寄人

分袂當年待曉雞，曲欄橋外錦堂西。兒承蓮子房房苦，蟬抱楊枝樹樹啼。
深竹夢歸神女壻，真花傷別阮郎妻。至今腸斷春風候，豈蕊初生槿葉齊。

寄黃山隱者

傳聞軒帝有仙蹤古洞無扉對亂松牛讓石床供蟋蟀細裁雲葉補芙蓉
分將月夜三千里買斷秋烟七十峰尚憶我留湯口寺隔林疎雨聽殘鐘

贈林純卿

十載看花入醉鄉燕姬招隱自雲莊龍官卜宅思栽柳垂老將身學賣漿
夜月邀僧同鶴首春湖供客與魚腸孤山萬樹梅花發剪燭裁詩夜未央

春日西湖卽事

蘇小門前柳帶烟煖沙晴日水如天春糜供作宜春酒榆莢分爲買笑錢
弄柳綠遮騎馬路落花紅襯釣魚船杜鵑不解遊人意催盡韶光又一年

奉和張司諫左掖夜直

漢殿秋生禁柳黃露融仙掌色蒼蒼銅龍水咽雞人漏金象烟銷鳥篆香
雲度鐘聲浮苑樹月臨花影上官墻夜間待詔傳天語法駕明朝幸建章

春曉望闕

魚藻門前曉角殘月斜翅鶴露華濤金輿欲動宜官使銀鎖初開擁侍官
遶左羽書東海沸秦京烽火隴雲素漢庭何日無封事不許書生策治安

寄薛素

野草城邊油壁車海棠開盡燕飛初愁深司馬舟中淚夢逐蕭娘錦上書
二水雲陰桃葉渡四橋春暗浣花居傷心南陌垂楊月夜夜香塵滿客襦

黃山道中

微霜風物色淒淒路入黃山是五谿帝子不歸汾水上行人愁過穆陵西
荒原曉露銅駝泣古驛秋風鉄馬嘶獨客傷神家萬里斜陽征雁楚天低

逢徐典公詩舊

天涯離別九迴腸今日逢君復異鄉潞水聞猿雙涕夜黑山歸馬五年霜
兵戈消息何須問弟妹漂零且自傷此會匆匆又分手暮雲衰草更淒涼

江頭別

江風今夜寒郎且江邊佳拂曉上樓看郎船不知處

宮詞

莫將離別恨猶深一歲相逢一夜心空宮尚有如霜髮不識君王直到今

何俠士壁

壁字玉長福清人魁岸類河朔壯士跡跡放跡使酒縱博聚里黨輕俠少
年陰爲部署拉竿關壯繆祠下有事一呼而集上官聞而捕之踰城夜走

古聖清流王若家盡讀其藏書依其鄉人林古度曹能始于金陵撰能始
書游新安無所遇聞邑令張濬楚人好奇士爲詩四章投匭以感之濬大
驚延爲上客贈以千金濬開府于邊璧往從之濬將疏薦以布衣拜大將
介濬罷鎮而止璧因此請曉遼事談夷漢情形如指掌如有用我黑山白
水可剋日而定也璧求用甚亟酒間香簪抵掌人皆目笑之殊不自得濬
死入楚哭之遂以病死濬門人胡汝淳推荆州貝和奉之沙市爲石表
曰關俠士何壁墓或曰玉長臨終念佛坐化藏塔在袁石公蘭若之右秣
陵艾容入荆有詩吊之

西湖尋曹如能

垂楊漠漠行田田何處秋風十四絃放鴉僧啼天竺雨聽鶯人過六橋烟
詩尋蘿薛誰遊寺酒戴桃花第幾船遊于天涯魂易斷非關春樹有啼陽

逢陳當時

湖海年年氣尚橫相逢一笑蓋初傾悔因任俠輕妻子恨不從軍結弟兄
客裏買文難得價市中說劍長知名燈前喜共猿公語聞道燈陽正請兵

金陵寄沈千秋

挾策干時任轉蓬壯夫曾悔學雕蟲荒年有客愁炊桂薄俗何人惜糶糶
士到出山誰不賤術惟游世最難工長安官道原如髮只有狂生數路窮

鄭翰卿自新安移家金陵詩以訊之

南北飄零逐燕飛管巢今復傍烏衣家移白下原爲客夢到黃山不是歸
廿載看花憐並蒂半生種柳嘆成圍江天處處皆新水好向垂綸燕子磯

秋日過能始民部署中

爲郎無一事客到但行吟落葉滿官舍此中秋更深庭虛開羽殿門冷集
寒禽一自黃花對轉懷頭上簪

廣陵送王太古還白下

我有秦淮夢雖還不是家送君隋苑上惆悵柳條斜歸客趁新燕遊人歎
薄花傷春兼惜別况復在天涯

早春寄東謝寓中

古寺門前新柳垂思君先訂聽黃鸝侶樓臺滿催歌扇僧舍春寒憶酒旗
月到秦淮皆似面山如鍾阜始爲眉東風九十誅芳急不是看花莫杖藜

趙舉人岫

嗣字子函一字唐國整屋人萬戶已酉領鄉薦不第家有傲山樓藏書萬卷所居近周秦漢唐故都古金石名書多在焉西安領官碑林爲最時跨一寮挂偏提捐工携楮墨以從每遇片石隻字坐臥其下親爲拭洗椎搗漿演復爲疏記其後援據考證畧仿歐陽公趙明誠洪丞相三家名曰石齋編華自謂窮三十年之力多都玄傲楊用修所未見也遊終南九嶷城南作訪古遊記三篇三輔五陵長楊下杜遺文故事屋歷如指掌萬曆戊午去今才三十年關中再經兵燹趙氏金石古文皆蕩爲劫灰而三記宛然散篋中每爲喟然太息華州有郭宗昌胤伯汲古多藏與子函相上下其爲人尤奇

園居

不是夔龍侶偏宜鹿豕群
自題招隱字誰續絕交文
鑿壁來山雨編籬帶
楚雲還思接輿子遺世不如君

茂陵

黃山歷盡見孤城
城上樓高眼倍明
芳樹寢園今北望
暮雲官闕舊西京
芙蓉畫冷仙翁露
首藉春閒宛馬聲
回首長楊誇佩地
何人得似子雲名

巳亥初夏

漢室誰高第家數趙張爾絲天下計
兎窟百年藏春草生金谷秋風冷
未央劫來愛國意清淚不成行

莊河村主人

落日牛羊嶺上村誰開三逕召王孫
山容似黛斜侵檻木字如巴曲到門
野客行藏無掛讓田家賓主有盤樽
欲將谷口烟霞色並向桃源洞裏論

崔秀才子忠

子忠字道母萊陽人僑居都門形容清古言辭簡質望之不似今人画亦
法古規摹顧陸間吳道蹟闊范以下不復措手居京師闕闕中蓬蒿翳然
疑塵滿席時花羞魚杳然遺世典至則解衣盤礴一妻二女皆能點染設
色相與庫安指示共相娛說間出以諭知己若庸夫俗子用金帛相購請
雖窮餓掉頭弗顧也少爲書生師事萊人宋繼登宋諸子及群從皆與同
學而致及應亨尤厚善應亨署銓曹屬一選人以千金爲崔君壽道母笑
曰若念我貧不山棗中裝詒我而使我居閒受選人金同學少年尚不識
崔子忠何等面目耶應亨媿謝而已致居諫垣數求其画不予誘而致之

郭合謂曰更浹日不聽出則子之益魚盆樹且立稿矣子將若何道母不
得已乃與画画成別去坐隣舍使僮往取其画曰有樹石簡畧處須增潤
數筆致欣然與之立碎之而去其孤峭絕俗皆此類也崇禎戊寅余龜繫
都城道母因漳浦劉履丁見余履丁寓方閣老園池去余寓一牛鳴地有
疎桐古木前臨雅堞道母喜其蕭閒履丁去遂徙居焉旋夕過從者凡兩
月余放靖道母及華州郭宗昌送余報國寺古松下余笑謂詞館諸公公
等多玉符門生亦有如能兩生者平郭亦蔡中博雅奇士也丙戌入燕
訪問道母所在或曰道母前亡或曰亡矣已而知道母亂後依友人以居
家人尚數口友人力不能供而夫忍言也道母微知之固辭而去竟窮餓
以死是歲郭亦辟閩賊之招入華山今尚狂

西山滴水巖二首

入不知高下山春水似秋星河平地看雞犬半天游洞腹藏元氣山根養
溪流白雲朝出宿知是繞神州

石似當堂立巖疑急就成雨花山廟濕雷樹羽宮暗絕壁洪荒在陰晴晦
朔井上流龍夜語徐臺應泉聲

郭布衣天中

天中字聖僕先世莆田人其祖以避寇徙秣陵母誕聖僕時夢一道人雙
屨曳杖從山嶽下直入其室其生也頂髮截分以徵異焉聖僕以五日生
早失父性至孝孤情絕照應出流俗嗜古法書名画不事生產專精篆
隸之學窮匡斷碑搜訪無遺閉戶冥搜寢食都廢晚年隸書益進師法秦
漢最爲逼古毋沒權厝於城東郊僦居其側風雨蕭然終不肯去人欲爲
卜居以僻陋山水爲辭竟不欲明言廬墓以市名也故人恭和楊嘉祥守
維揚延致聖僕贈遺數千金斥以買歌姬數人購書画古物并散給諸貧
交緣手而盡嘉祥歎曰此吾所以友聖僕也諸姬中有朱玉耶工山水師
董北苑李柁那工水仙直逼趙子固疏牕棊几菜羹蔬食談諧既暢出二
姬清歌以娛客或邀高人程孟陽輩流覽點染指授筆法鍾伯敬贈詩曰
姬妾道人侶敦髮貧士家亦質錄也聖僕卒無子墓在雨花臺之旁聖僕
平生無所造請常借孟陽訪余虞山信宿而去至今想其面目清冷古色
猶足烙人也

石鼓詩

設非石質者星文非鼓勅者銘然外書刪外經經雅頌書典刑隸秦漢徑
映庭篆龍鳥藍洩青曰謝梓春微停故辭金波畫零我拜手神之聽